

武備志

百五十一之六


占

漢書門			
二	五	三	六
三	四	五	六
七	四	五	六
冊	架	函	號

內閣文庫			
五	二	五	六
九	三	三	六
函	冊	號	類

內閣文庫	
番號	漢 2536
冊數	37 (23)
函號	299 239

廿三



武備志卷一百五十一

淺草文庫

防風茅元儀輯

占度載



占四

占日三

日之色

天氣下降地氣未升厚則日紫薄則日赤若於夜則月白皆將雨也天氣未降地氣上升厚則日黃薄則日白若於夜則月赤將旱且風亦為日月暈

武備志卷一百五十一 占度載 占日三



正傳志卷二十一
之候雨少而多陰天氣已降地氣又升上下未交
則日青若於夜則月綠色將寒候也或天地氣雖
交而未密則日黑若於夜則月青將雨不雨變爲
雲霧暈背虹霓

日華五彩天下和平

日色白西風成旋陰陽氣亂陰謀兵起又曰有
諸侯兩軍相當則其分軍敗將死一曰四夷動一
曰爲旱爲喪

日白體動而寒天子親伐茲謂不知

日色慘白凄風成旋有殺戮事攻城則城中有
者城爲所屠

日赤如赭大將軍野戰一曰主兵急

日赤如血君憂臣背災癘盜賊並起

日赤如火血大臣並亂天旱

日光四散赤如血流照地皆赤君道失明又曰賊
入宮以急兵見伐又曰臣逆君

日赤如炭火主急兵

日青色或如火光國有災

日色變黑天子臨危命在四方

日有黑光多死兵不出六十日有大水傷五穀其所見之國貴十倍

白日黑暗天下兵起大亂

日色黃有白雲紅氣宜收兵謹備

日色變黃濁色黑光搖動國有暴怒之令主災

日色黃赤有災疫白色多死凶

日色有碧陰氣重盛東夷亂臣下叛

日有青黃白不定主王侯大臣作亂兵起

日色或黑或青或白或黃師破

日失色國不昌

日變色有軍軍破無軍喪侯王

天氣清淨無游氣日月不明為失色主災游氣蔽

天日月失色風雨之候

日白色無光月內少雨主旱

日赤色無光天下血流成河國亂軍憂赤如血為

旱烟雲體黑籠罩映日之光而成赤

日青色無光主勢奪

日紫色無光草寇兵起一日夷狄內侵

日青赤無光或黑綠或如炭色在二月四夷來侵

五月南夷為亂八月有謀殺主者十月人主失國

蛇行人道十一月後九十月天出赭塵來年十一

月枉矢出天下兵起十二月四夷來侵應在九十

日

日無光有死王又曰日無雲日光不見如此三日

有大喪有滅國一曰羣盜起

日暗無光天雲盡赤三十日有兵君亡五十日兵

起人流亡九十日社稷亡一百二十日國為

日有黑雲遶而無光城中有軍突出宜守之吉

日光昏暗紅色霧結濃陰有大風雨大熱若無風

雨大熱主我軍勝

日濛濛無光士卒內亂將軍宜循法度察有功以

自明及有兵內發嚴刑而伺姦人者勝

日盡無光王者絕世

日暗無光陽道衰微君信讒邪陰謀憂喪

日暗無光夷狄入主中國

沉陰、日月無光、晝不見日、夜不見星、有雲障之、兩敵相當、陰相圖議、

日出東方二竿、停停無光、日日病、未入西方、停停無光、日日死、日病日死、王侯災、一日有風雨、不雨、邊亂國危、

日至辰時無光、天下大亂、

日無光、中有物、或青或赤、或黃或黑、如爪踴躍、世主絕命、

日五日無光、滄海變桑田、

日中有黑氣、乍青乍黑、乍黃乍赤、三三五五、多至數十、圍繞日四旁、天下謀叛、

日中有黑氣如瓜形、有兵起、

日中有黑氣、闕天下有大兵相攻戰、其分有叛城、不出二年大饑、

黑物在日中如飛燕、人主廢黜、

四月日變黑陰、盛於陽、奸臣擅政、陰謀作亂、十月日變黑陽、不勝陰、君志昏迷、讒邪謀叛、

日旁有黑氣磨盪、國易主、兩軍相當、大將死其下、

日中有火光氣見其國君左右大臣有反者

日之氣

五色氣如虹貫日主白衣會其下謀亂赤氣則其殃甚

白虹貫日陰陽犯也女后專權陰謀殺奪一曰近臣為亂不則諸侯有反者一曰主五十日內兵起於秦地一曰主十日內國有兵亂三年方定一曰主殺戮一曰君亡臣代興
白虹啣日臣有背主無德者亡

白雲虹貫日主仇人入境更以大兵起也

白霞貫日謀逆弑奪

氣如白虹貫日合戰殺賊白雲接應即吉主有上將來歸

白氣貫日軍在外將死無軍人主當之

白氣交錯貫日而過軍不和失律

日下有白氣如懸弓大亂兵起一道一亂以數占之

日下有白雲交叉如刀夾日而刃向下者半凶

日下有白氣如揭旗幟天子有喜其分君亦喜

日旁當中白氣東南起連卯酉者主君升選

白氣自上下冲日君憂

白氣圍日亾城

白雲廣二尺在日左右其下兵起國憂

白雲三方環日脚下垂而上空明者大敗

日出時有黑雲如蓋四邊垂者三日後多風雨不

雨陰謀主將

日兩旁有黑雲為伏兵在路慮後戰之大吉

黑雲湧日軍大敗

黃蜺貫日天下大喜一日主交爭

氣如黃蛇貫日有交兵

日旁有黃雲氣掩日所照皆黃主亂兵起夷狄大

入中國

黃雲擁日必大勝

黃雲夾擁日旁者大勝

黃氣抱日鄰國臣佐來降

日旁雲氣色黃濶皆為吉祥

紫蜺貫日明君出世

日旁突出大山紫氣盤旋而下散者敵不敗

青虹貫日天下兵亂人民多疾一年災

青蜺貫日天下不安血流成河

氣如青蛇貫日有陰謀主疾疫

青雲挾日其分野臣下有謀

青氣遶日陽道不消寇賊起兵圍於城下主有交

戰

青氣三道貫日國有讒人將軍失位

青氣疾來縱橫日有奸人入城中

日有青氣在上下者吉可出軍

日有青氣貫日者主臣謀君兵起于秦地

兩軍相近日邊生青氣如半月者速進軍必勝

日有青氣如十字貫日中央大禍將來先露兆奸

凶懷恨作妖祥一日不出五十日夷狄犯中國君

出走大亂三年

日旁青氣散如飛變作雁行者小國賊臣反

日下青氣如鳥敵人相謀宜急設備

日旁青氣如兩鳥人生憂大兵暴起

日上下有青氣可以出軍戰必勝

黑虹貫日兵亂六起國主憂危一日臣謀逆有軍

在外客將死

黑蜺貫日五穀不熟百事皆凶

黑氣如龍承日旁及如人臥背日旁者下有叛臣

日上下有黑氣如蛟龍者主風雨敵人相謀宜急

設備

氣如黑蛇貫日主雨水一日有反者

黑雲如狸皮掩日軍不和有屠城

日始出有黑雲貫之或一或二或三不出三日不有

暴雨則有害主者

日出有黑雲如隔其下有兵遇雨即解

日四邊有黑氣如雲攻城未克

赤氣如牛守日其下有兵戰如馬守日苦戰有兵

傷

日伴有赤雲如虎形三日內王命至有賊自來降

吉

赤雲如鳥夾日而飛其分野憂一曰其國君亾

雲如赤鳥喙日主兵起

赤雲如雞雉在日上不出三月其分野有兵喪

日下有赤雲交叉如刀夾日而刃向下者大凶

日下有赤氣如鋒刃在兩旁破軍殺將人主受其

殃

日旁赤氣如懸鐘如臥人者邊將死

日旁氣如杵赤而明不宜出軍

日旁有赤雲曲如車輪其下有兵亾也一曰臣背

其主

赤氣如布席掩日為大戰

日旁有赤氣如木無葉者兵起客勝

日旁赤雲如衆樹有兵起客勝

赤雲如掃夾日者不宜先舉兵

日上赤氣客將死

日有赤氣圍繞不出三日大雨不則大臣叛

日中有赤雲一道穿過主人民流散兵戈起民逃

亾矣

日邊赤氣三重天下兵起

日旁有赤雲相交其下有兵不宜先舉

日旁有赤雲向日不出三年其下有立者

日旁有赤雲兩端銳其下不宜先舉兵

赤雲三方環日脚下垂而上空明者大勝

赤雲扶日其下兵起失地

赤雲掩日其下大戰亾地

日入時天雲盡赤大旱兵起久旱而有赤雲遍天
照映山谷則來日有雨

赤氣隨日出君有憂隨日沒外告急

赤色貫日爲破軍星兩國相殺

日上下或青或赤曲向外反背其外有臣叛君守

邊之將主有二心

青黃氣如蛇纏日兵亂謀弒

青赤氣如虹與日俱出所臨國大有憂

日下有雲如青赤馬主敵人相謀須先有備方無
患

日下有黃黑雲如刀交叉夾日而刃向上者大凶

勿出兵

日邊黃紫雲如魚鱗起不散行至我營上者軍必
勝行敵營上勿攻戰

日中赤黃逢入日中從虹霓處大戰殺將

日邊有雲氣白黃將吉青黑氣將返歸

日旁有雲氣冲天青黑不利黃白紫軍勝

青赤黃氣如虹在日旁屈曲如車輪或二三或五

六此天之殺氣也名曰天殃其國兵旱疾疫俱起

赤白青黃氣刺日其分野有兵

日四方五色雲皆新見其下國有謀臣不安

日旁有雲氣相交穿貫于日將不和有破軍者

日旁格氣橫在上下心腹之憂

有氣在日旁去疾者軍無功停半日者小勝終日

者大勝

日下有雲氣如死虹其分大疫大饑

日中有雲如人狀其下有叛臣

日下有氣如人所持者其下臣叛一日兵叛

日下有氣如人垂衣天子之氣

日旁雲氣如臥人有死將

日旁氣如人頭如旗旌內懸鐘皆為兵起流血

日旁雲氣如兩手在其側更有金星出現者后妃作孽生亂帝受其殃

日旁氣如舉手或作箒形若居兩手間者君失其位

日旁有雲氣如獸向日開口臣弑其君棄國而走日下有雲如虎蹲者大敗

四時王日有雲氣如虎守日以五色占克其時令者臣下不利于君

日下漠漠氣如車馬馳走之狀其下有破軍一
日下有氣漠漠如車馬鳥蛇或如人披甲而走或如虎躅皆為大將反

日旁分八字下有氣如麋鹿成隊而走軍敗將亡日旁氣如兩馬向日人主以暴虐遭禍

日旁有氣如牛鬪又有如人無首在旁者宗社必危

日旁雲氣如蛇如馬中青有反者

日旁有氣如蛇，其下有賊兵，一曰有交兵。

日旁有氣如雙雞，主國大旱，人民荒歉，國亂人亡，累歲災生。

日旁氣如鼠在樹枝間，又有頭，必出洪水，急宜移營高阜。

日旁氣如一樹，根蒂橫出國，君自經。

日旁氣如幕如花，相連不斷，后宮內亂。

日旁氣如剪刀，更有散花如桃杏者，王失政，后妃專權。

日旁雲氣大如席，萬人戰，一曰兵衆戰死。

日旁氣如壁形，其形圓如暈者，臣下謀反。

日旁雲氣散張如死烟，火星迸者，宜堅守勿動。

日上下四旁有雲氣如博局，小臣謀主，期一年。

日下有亂雲如承，跌兩重，上如二日者，攻戰殺傷。

若一輪貫日爲主勝容。

日下有雲氣如布幅大長，侵日若色白，是殺氣，防有戰在我營勝。

日下有雲如刀劍三五成列，刃向抵日者，大凶急。

移營防備刃向下者凶勿戰

日下有氣如弓如箭外向軍出威勇

日邊有氣如斧鉞君憂一日君無禮受殃

日邊有雲氣如錐刺日君死於賊

日邊有雲氣如杵長七八尺及杖撞日臣犯上入

之其國主死赤以兵

日將落有雲如樹枝不過三日兵敗禳之可免

日將落有雲生脚下垂二日內有風雨無則主兵

災

日兩旁雲夾擁而脚一上一下者先凶後吉

雲三方夾日而脚亂竄者交戰凶

日上下連左旁三段雲擁百戰百勝如黑雲相侵

則有大敗

日之星

旦星盡見人主失國

日出時有一星與日爭光主陰謀事夷狄兵起

日當午有星在日下妃妾謀弒其君

日當午二星夾日下人謀上奸臣在內後官闕竄

謀反又曰將軍與內臣合謀四星環繞之侯王奪
主國五星繞之太子爲不利又曰天子不能制下
則星與日並出

九曜簇擁日邊如火如燈者九州大亂

妖星與日並出名曰婦人星與日爭光夫弱婦強
女子爲王爲喪爲兵

日四角有彗星主吳地兵起三年方定

日下有彗星傷日者主君憂二十日大臣謀位刀
兵亂起九年方定

日旁有星光或太白經天主國危無日有星同斷

日上下有星小臣謀逆

日左右有星在其旁侍臣圖弑將軍同謀

三星在日上際臣欲弑君

四星在日四旁侯欲爲王

日在三台內變謀君

日在斗中大將欲衰

日在牛宿國內有虛驚兵起

日在氐宿兵亂外憂

武備志卷一百五十二
日在天獄中、三府兵起、又曰、主君被北方將謀位、
五十日內兵起、三年方定、

武備志卷一百五十二

防風茅元儀輯

占度載

占五

占月一

茅子曰、日月為太陰之象、借光于日、以之配位、女子之象也、以之比德、刑罰之義也、以之定上下諸侯大臣之義也、刑之大者為兵、女主侵權、大臣犯上、皆兵之急也、故皆載之、其類與日同、

武備志卷一百五十二 占度載 占月一

月之形

月之蝕

月之暈

月之變

月之色

月之氣

月之星

月之形

青赤氣蓋于月旁曰珥黃國有喜赤青兵火白憂

喪黑水災失地皆期于三年一曰月有珥萬

傷不利大凶

月有白珥其下城降

月昏而珥有喜

月夜半而珥邊地有兵

月有珥貫入中央君王失位天下相殺

月左右珥天下萬民同慶

月左有珥臣與君青衣北宮姦

月右有珥臣與君青衣南宮姦

月有兩珥其下國喜軍在外勝

月兩珥而白虹貫之為戰兵

月有兩珥三珥四珥皆主國喜兵在外勝

月有四珥其下國安有喜

月生四珥主賊寇大亂兵起一年應之兵火萬家

月珥且戴不出百日有喜

月冠而珥有大風人主有喜

月始生有黑氣貫月名曰微雲或一或二或三四

不出三日有兵暴雨

五彩炫耀月旁曰璫臣下縱欲互相殘害

月有四璫臣下有謀不成

月有背璫臣欲為邪其色青中外赤有芒刺則為

逆赤中青外無芒刺則為謀數見則國凶一日月

有背璫臣下縱放相殘宜備左右

月有抱為順背為逆抱且背為不和臣欲有為忠

者亦欲有為邪者

青赤氣蓋在月上曰冠國任賢臣

青赤氣倚於月旁曰戟平時逐相有兵兵敗將死

月內青赤氣作紋曰痕，兵宜自固，其敵終降。
赤氣雙垂月下曰履，姦邪謀逆，君王出走。
青赤氣如頭抵月曰觸，大戰流血，將凶國危，白兵
起，黑兵敗。

青赤氣散垂月下曰紐，君德不固，殃其國。

青赤氣如人頭弔月下曰墜，兵士違律，累其將。

青赤氣托在月下曰序，行兵得勝，衛國封侯。

月有戴氣不出百日，人主有憂。一曰主有喜。

月生三日，其中縵縵如絲布狀，其野墟兵盡出在

外，主人不勝。

月之蝕

月蝕乃陽氣太盛於九道交行之時，冲掩月光，

日行十三度，凡羅計在十三度前後相隨，迫交

並主為蝕，鯨魚至陰之物，以蝕為感，月蝕則鯨魚

死，蓋陰之傷。八十月極當至明，以象陰德之昌，或

失色或蝕，皆陰德大虧之象，主將相災危，刑罰不

明，獄有冤濫，掌陰者曲政用事，宜省刑，去不肖，以

避其咎，則其禍可消。

月蝕所離宿次其下有大戰拔城

月初生而蝕將敗于野

月蝕望前天子弱大臣強不能立功成事又曰未盈而蝕宮中有變

月滿而蝕者兩敵相當若無兵將死于野

月不望而蝕或望後而蝕其國大水溢大臣死后妃憂以月占國

月蝕從上始是謂失道國君當之月蝕從旁始是謂失令相臣當之一曰主失其政月蝕從下始是

謂失法將軍當之

月蝕既陽道極也后難將軍災五穀貴太人憂人死兵起

月蝕不盡君當之

月蝕不盡光輝散臣之憂

月蝕且盡破軍殺將國主災危

月蝕盡君有殃一日五穀貴其國分當之

月蝕大半以上大水以日支占國

月落盡蝕者兵大起

兩月並蝕天下亂

月蝕後三日內雨百事解

月蝕而鬪兵革亂起大戰隨所蝕戰利

月蝕而鬪且暈國君惡之有軍必戰無軍兵起一

日隨所蝕伐之利

兵在內而月蝕者其國受殃兵未起而月蝕者所

當之國兵戰不勝

兵在外而月蝕蝕分強者軍必還蝕盡者城亡將

殺

兵在外月蝕下而上者將軍當之

月蝕出軍軍傷失地

月蝕盡將死蝕不盡軍敗將不死

月蝕而戰破軍死將拔邑亡城

月春蝕東方將軍死夏蝕旱一曰國有憂秋禾不

成秋蝕兵起一曰邊有兵民不安西方災冬蝕其

國饑將有憂一曰春多潦女主憂

月春蝕東方夏蝕南方秋食西方冬蝕北方其下

軍憂

月蝕以旦、太子當之、月蝕以夕、君當之、

月蝕東方、其月惡風、

月蝕西方、主兵利、

月蝕青色、五穀有收、一日、人多死、五穀傷、

月蝕赤色、客兵利、一日、歲旱、兵起、一日、君為客、不

出一年、

月蝕而赤如血者、叛臣也、

月蝕黃色、王侯謀立、

月蝕白色、其國天地、一日、國有喪、

月蝕黑色、水災、

月已蝕而青者、為憂、赤者、為兵、黃者、為財、白者、為

喪、黑者、為水、

月蝕有輝色、蒼色、蟲蝗、主大臣災、有大水、民流亡、

以日辰占在地、

月蝕有氣從外來入月中者、主憂氣不利、從中出

者、客憂氣不利、從南行南軍不利、東西北皆然、氣

所向者敗、

月蝕雜氣射人、兵亂將凶、

月蝕彗氣射人將相災危有兵從射方擊之勝

月中生禾隔十日月蝕國有大憂兵起

月蝕箕為水旱為風為饑車騎滿野

月蝕南斗其分國饑有水兵

月蝕牽牛有兵

月蝕須女為兵旱國有憂

月蝕室蝕婁歲饑

月蝕胃將亡亦為饑

月蝕昴為饑邊兵起將死北地叛

月蝕畢越分有兵

月蝕觜觴為旱大將憂有叛主者

月蝕參為兵臣下有謀其分大饑外兵大將死

月蝕井有內亂五穀不登其分有兵

月蝕七星歲饑民流其國更政

月蝕張其分饑

月蝕翼北方有兵

月與歲星同宿而蝕兵戰粟貴

月犯歲星而蝕天下有大戰

月蝕歲星而暈民大饑兵大戰

月犯熒惑而蝕者其下破軍亡地大將憂近一年

遠三年

月蝕與熒惑同宿有大戰賊以火攻

月犯填星而蝕者主將亡功

金星與月同光其日月蝕若星搖徙其下亡地

太白與月同光其日月蝕其下有兵

月蝕而有星入其魄中兵起

月蝕之次其內虧蝕處有流星出君王失位兵戈

亂動流移南北不過三年戎兵侵境

月蝕彗星入月者其下有兵

月蝕列星不見者國亡

月行與木星同宿而蝕粟貴民相食農官憂

月行與火星同宿而蝕天下破亡有憂

月行與土星同宿而蝕國以饑亡

月行與金星同宿而蝕強國戰不勝亡城大將有

二心

月行與水星同宿而蝕其國以女亂由是而亡

月蝕子夜、北方兵起、天下大水、傷五穀、丑夜、天下傷災、寅夜、虎狼食人、大凶、卯夜、大賊起、國內有號令、辰夜、主有奸人代君、天下大亂、巳夜、國內不安、代君爲主、午夜、秦地不安、天下大亂、未夜、汾陽有奸人爲亂、申夜、荆地有奸人欲害君王、酉夜、吳地有奸人爲亂、欲伐君、戌夜、楚地不安、亥夜、趙地不安、

月之暈

月暈軍營之象、大抵主戰鬪、見暈光破爲圓、久而

方消、戰久而不解之象、如無軍、主大風雨、有謀、一曰、主旱風不止、

月終歲不暈、天下太平、一曰、鄰國求和、

月春暈木日、夏火日、秋金日、冬水日、四季土日、皆爲其分有殃、主死國亂、

孟月十一日、仲月八日、季月九日、皆當月有暈、若不暈、不出三日、有暴風雨、不則爲兵災、

月正月甲乙日暈、人疾疫、丙丁日暈、旱、戊巳日暈、大水、土功起、庚辛日暈、大兵、壬癸日暈、江河決溢、

又曰四時壬癸日暈皆爲水

月正月八日十二日暈國兵盡出有軍在外則罷
月以正月五暈天下更三六暈有亡國七暈八暈
道路多死人

月正月三暈民鬪歲惡

月一月三暈王者自將出行五暈至九暈其國亡
地十暈以上天下更改

五月中月至九暈道上多熱死人

常以十二月八日候月若暈再重有大風兵起災

在內女親用事

月暈西向主風雨害五穀東向主五穀各有收一
日風敗五穀北向主大水爲災南向者旱風

月暈正偃天下有兵兵合無兵主凶

軍在外月暈者戰勝

月暈厚薄四方勻者軍吉

月作散暈賊謀不成行師得勝

月暈鬪者其國君背約

月暈不合者外謀不滅

月暈多直爲兵，曲爲逆。

月暈先合而後消，所在方勝。

月暈明旺者，自將兵。

月暈有光，我軍勝，賊降。

月暈垂光於下，兵革起，亂將帥災危。

月暈無光，是謂大盈，其下有兵，王者以德勝之。

月暈黃色，將軍有喜，益祿進爵。

月色黃有交暈，所宿國受兵。

月暈赤色，火旱興災，兵殘人死。

月暈赤而有光，天子起兵，攻城城降。

月交暈赤光，其國不二年遇兵。

月暈三重，其外赤而中獨不散者，軍會聚。

月暈白色，王侯謀立，起兵作亂。

月重白暈，王侯謀逆，有兵主久戰。

白暈貫月，其月必有廢主。

月暈黑色，國主憂危，野有多水災。

月暈赤白色，將相離心，殘賊誅戮。

月暈中赤外青，羣臣親附，外赤中青，臣有外謀。

月色黃白有交暈一黃一赤所宿國益地不出二年、

月生四暈或青或黃或赤者三日寅卯時防此雲合凶明日寅卯時謹防若午未戰定不祥

月外有環暈五重附近者紫紅色白者次之青者又次之黃者又次之最外深紅各相去一丈分寸不差忒其圓如規是謂月重輪此為太白極盛不利於君

月暈有白虹貫月兵大起將軍死野又曰為不臣月暈多白氣從外入攻城必拔得大將從內出主人戰勝

月暈有白氣交橫貫月有大將暴亡軍士敗令月暈重疊或三日常暈有白霞虹氣貫月王者惡之大臣女后災

月暈而有赤雲如火其地圍城降

月暈再重有赤雲繞之如杵衝之有軍在外大戰萬人死其下

月暈三重赤雲貫之其下國亡

月暈有黑雲氣入暈中隨所入擊之勝

凡月暈有非常炁色皆為后妃謀

月暈虹蜺直指暈至月者破軍殺將

月暈有蜺雲乘之以戰從蜺所往者大勝

月暈有雲橫貫之起兵者勝一曰有雲貫之左右

吏死

月暈有氣橫冲寇兵驍勇破營殺將

月暈有雲如厚布若三若四貫月者以戰勿當當

者破軍

月暈如連環兵起爭地

月一歲有連環暈至五六其色青或赤黃潤澤比

女主昂欲移國祚

月暈如連環有白虹在外不及者女人陰謀主見

絨奪

月有白暈連環連接北斗其國大兵大亂流血其

下亡地

月暈三環連接天子溺愛寵妾后妃盛強其國危

黑色來年大水五穀不成赤色為兵為旱

月暈再重、大風、兵起、三重有兵、有拒城、亡國、四重國危、兵起、番戎、五重后災、臣憂、六重君失政、七重天下易主、八重世亂、九重血戰、國亡、十重天下更王。

月暈而有流星、交入暈中、或落月上下、其國亂、暈而不風、大臣起兵。

月暈天無雲、有流星過、凡上下、其國有喜。

月暈而流星橫度暈中、諸侯有亡國失地者。

流星從月暈中出、其國有憂、青色有拔城、黑色破

軍

月環暈有流星入之、外國使來、流星黃白潤澤者為喜。

月暈有流星出暈月、其國貴人走、有流星入暈月、臣走在外者還。

月暈有客星在月北、北國勝、在月南、南國勝。

月暈有珥、將災、三日有雨則解、無雨則凶、一曰有大水。

月暈而珥、六十日兵起、不暈而珥、有喜、兵在外亦

喜

月暈而珥兵起從珥攻擊者利

月暈有抱珥在暈外赤者外人勝

月暈有珥垂下兵戰災凶

月暈一珥得珥之國失地

月暈有白珥上將戰死

月暈兩珥先起者勝

月暈有兩珥白虹貫之天下大戰以日宿占國

月暈不合有兩珥其國有水

月暈外有珥璣六十日兵起外賊亂

月暈不合外有珥背有璣陰謀不成

月暈有抱珥在暈外外人戰勝在內內人戰勝

月暈一重一璣上冠旁有珥兵起

月暈有抱所臨者勝

月暈有璣臣叛兵起

月暈而冠天子有喜多大風

月暈有璣臣反兵起

月暈反背將相異志

月暈再重背在外者私成於外背在內者私成於內

月暈圍角亢大將軍有憂

月暈圍角亢底天下士卒死

月暈圍氐房心其地有役

月暈圍房心天子國危兵起廟堂

月暈圍尾箕人疾病

月暈圍箕斗兵從東方北方來者勝南方來者不

勝

月暈圍箕斗五穀不成

月暈圍南斗大將易

月暈圍牛女牛多暴死

月暈圍虛危有兵謀不成一日兵起宗廟動

月暈圍室壁風起大水其地有謀不成一日土工

大典

月暈圍奎婁其地大病

月暈圍胃昂人多腹疾

月暈圍胃昂畢有德令不則有反者兵起

月暈圍昴畢參不出三年人主憂

月暈圍畢觜參弓弩貴

月暈圍井鬼其年不和一日旱

月暈圍翼軫軍在外戰亡其偏將

月暈圍軫角先起兵者不勝

月在角暈圍北斗大臣有誅者

月暈在兩角間大水多風雨大將憂暈連角先起

兵者勝若有功期八十日秋三月兵戰水災再暈

大水不則王者自將兵一日其分兵起暈右角在

將災左亦然

月暈三重入天門及兩角兵起將失利

月暈亢多雨外有兵革之事其分先起兵者勝一

日將軍死

月暈氏大將凶人疫在冬為水

月暈房有風雨不則為旱一日為兵

月暈心為旱穀貴蟲生將凶與五星合大凶

月暈尾四足蟲害物國易政一日將相憂其分有

水災

月暈箕爲風穀貴大將易西北兵不勝一日暈從
東北方來入箕中兵在外者勝暈從南方來兵散
月暈南斗將易爵祿更天子法一日將相有憂人
民流離一日有土功將軍暴亡一日大將刑穀不
生

月乘斗而變色賊在營中將死大風雨

月暈牛中央大星大將被戮

月乘牛變色牛馬死大水災

月暈須女有兵謀不成

月暈虛有兵謀風起則不成又爲民饑

月暈危兵亂憂饑一日有兵喪先起兵者敗

月暈室國有亂兵軍無糧君自將一日爲水爲火

爲風蠻夷來一日兵起宮中

月暈壁爲風爲水其分有憂

月暈奎兵敗將戮糴貴人疾疫一日有兵在外不

戰

月暈婁五日不雨軍叛失地一日糴貴

月暈胃其野有兵不戰一日兵先動者敗

月暈昴大雨水三穀不收一日民饑歲三暈弓弩貴

月暈畢兵亂饑喪暈三重邊有叛者一日若一月
中三暈天下中外俱改有風雨不則有赦

月暈觜觶道路不通大將死一日外軍不勝大將
憂偏裨有死者

月暈參大將將兵一日人殊亂戰不利

月暈參畢七重匈奴寇邊圍城邑

月暈井為旱為兵為民流陰陽不和則暈暈及三

重三日為大水

月暈輿鬼為旱一日粟貴秦地有兵

月暈柳有圍城野有兵戰一日林苑有兵天下
土功又為兵饑為旱疫

月暈七星其地旱

月暈張為水災穀貴

月暈翼多土功有戰民移大赦有大風傷物

月暈軫民饑將軍死一日有兵歲旱多大風

月暈環北斗魁第一第二星北國有來歸者

月暈北極、臣謀主、兵亂、不出三十日、三年乃定、
月暈北斗、國憂、一曰暈入斗、大水入城、兵起、一曰
天下亂、

月暈圍北極、五帝內座、臣專權蔽主、天下不安、兵
起、

月暈太微、天子以兵自衛、

月暈貫索、天下叛逆、

月暈天牢、多盜、

月暈天門外、兵起、

月暈魚星、爲旱、

月暈建星、大將死、五穀不成、蛟龍見、牛馬疫、

月暈九坎、爲水、

月暈天街、關梁不通、

月暈狼星、兵亂大起、

月暈五星、各以分野言之、五星色不明、主勝、五星

色明、客勝、

月春暈歲星、夏暈熒惑、秋暈太白、冬暈辰星、四季
暈填星、皆主其下有兵、

月暈填星所在之國兵起不勝

月暈填星所守之國有德

月暈填星不明主勝星明客勝

月暈太白星入暈月中者星色不明則客散星色

明而有角客勝

月暈太白其野受兵戰不勝所守之國兵起

月暈太白星暗月昏客敗亡

月暈辰星春主大旱秋主大水又兵起

月暈有流星出暈中青色主憂城拔黃色益地白

色豐稔黑色軍敗

占度載

占月

占

占月

占

武備志卷一百五十三

防風茅元儀輯

占度載

占六

占月二

月之變

兩月見其國亂必至於官職一日大臣誅主大水
兩月相合主弑君
兩月交闔陰氣交剝女后欺主將相謀叛一日外

藩有謀

雙月出、或兩三俱出、其處兵起、割據爭雄、

月初生、三月同象重見、天下大兵、魚鳥食人、

四月並見、人民流血萬里、五谷大貴、一日、兵起國
亡、

數月重見、陰道混亂、天下兵爭、分據土宇、一日、國
以亂亡、

月晝明、陰氣妄行、讒邪欺蔽、兵起爭國、一日、有隱
謀、國雄逃、一日、陰國兵強、中國饑饉、天下謀僭、

月生八日而上弦、天下大安、十日而不弦、戰不
將死、八日而不弦、攻人城者不勝、月九日而弦、以
戰、主人勝、客不勝、

月未當弦而弦、兵起、一日、月未當上弦而弦、兵大
起、月未下弦而弦、其國有奸謀、

月當弦而不弦、國有大兵、

月未當望而望、是謂促兵、宜攻他人、一日、爲急兵、
大戰、軍破將死、一日、國大昌、月當望而不望者、有
殃、所宿國地亡、

月當圓不圓，奸臣謀害，一曰暗謀國事。

月望而不滿，有兵，一曰其分失地。

定望之夜，月缺不圓，一面凸凹，三兩處者，近臣謀奪君權。

月當盈不盈，君侵臣，大旱之災，未當盈而盈，臣欺君，有兵。

月生三日至七日而盈，大兵起，八日以後盈，天下亂，十一日至十四日盈，其分君亡。

月當晦而不盡，所宿國亡地。

月合明不明，驕臣作亂，王國大危。

月當出而不出，有陰謀，有死主，天下亂。

月前望而西缺，後望而東缺，名曰反月，臣不奉法，侵奪主勢，天下有湧水，兵起。

月當毀而不毀者，臣凌君，亦有兵水之難。

月合缺而圓，邊烽息警，一曰國有忠臣，懼服外國。

月合盡不盡，陰盛陽衰，一月內夷狄入境，一曰所宿國亡。

月不盡八日，陽國失地。

月當中而不中有急兵大戰軍破將死大臣逼君
女主擅權天下大亂宗廟易十二十三日昏中下
謀上事成

月毀爲三四天下紛亂一日將相伐主

月分爲兩無道之君失天下

月分爲兩段將相有謀

太平時月破爲三者四海兵起

月生三日而始見三日不見至七日而始見國滅
月始生而復沒者陰氣衰微天下兵起將相災憂

月出復退天下大亂

月初生而廣大者水災

月初生而已半女主強一日陰國利

月初生見東方天下兵起

月始生南向其月有戰則南方勝一日陰國亡地

一日南國有兵

月入八日北向陰國亡地

月生正偃有兵兵合無兵主人凶一日無兵則兵
出一日有水初生正仰亦然

月失行外國兵強中國饑天下謀僭

月行乍南乍北陰氣雜亂天下兵起

月行或進或退陰氣偏滯女主擅權將相專政

月出非其所小國兵強中國民饑下欲僭權

月出地中庶人出為天下主

月大而體小者旱

月生齒天子有賊臣羣下自相殘害

月生刺賊臣生中國亦曰其宿國君防刺客若有

兵在外則將防之八日生刺其地割有分民九日

生刺其地饑民以食乏以兵行十二日生刺其

國昏亂十三日生刺是謂始強得地十五日生刺

是謂盛強其下多兵十六日生刺是謂內弱臣叛

其主十七日生刺是謂滅法有兵十八日生刺是

謂溫死二十一日生刺千里有聚兵二十四日生

刺中有大謀二十五日生刺是謂陰隱國有殃二

十六日生刺多憂二十七日生刺大饑二十八日

生刺攻城二十九日生刺是謂自伐其國有內亂

也

月四圍生芒刺君昏政亂天下兵起將勝封侯一
日憂在公侯其地弱一日有兵在外宜保營壘防
衝襲

月生芒軍在外者敗向東東軍敗向西西軍敗南
北同

月垂芒其國亂

月生爪所指之方兵起作亂一日其下君憂諸侯
謀叛

月生赤足謀叛生災

月生足陪臣執命王公望風謀反羣下並附

歸心

月生四日而生兩角刺如矛狀其國有弑逆事

月在東方有小月承大月小國毀大國在西方小

月承大月小國勝大月承小月大國勝

月中有如人行者兩主爭客勝

月中有神龍玉兔者洪水滔天人民饑散千里荒

涼國亂連年不止

月望而月中蟾兔不見者所宿大水城陷民流

出軍夜視月中有兔主勝無兔客勝

月之色

月變色將殃臣憂一日其國有殃赤兵憂

月赤如赭將死于野勿戰

月滿而赤色為兵為旱

月色赤暗陽冒其陰將相災

月色黑為水為疫疾為死喪

月黃色分野將軍遇難兩軍相當而月生黃色主

人受殃月二十八日色黃客受殃

月初生而白是謂大殃其國有喪而旱十日至上

四而天下兵起女主凶

月色青為憂為饑

月色青黃賊來相傷

月色正白將士有獲月色沕沕賊來擊拂月色曄

曄四邊雲起我兵雖勝行行且止月色蒼蒼行兵

受殃月黃色賊來乘隙軍營毀拆半夜驚赫月色

蒼黃霧色瀼瀼撐骨遍野流血成塘

月始生而青色其分有疫五穀貴色赤其分君憂

色黃其分有立王、色白其分亡地、色黑其分有水、月兩弦中間光盛而衆多、或二或三、以至十月、天子政在諸侯、天下分裂、月光如張燈火、其下國立于、月無光、臣作亂、其下國有死主、兵起、戰不勝、其下多死亡、

正月月無光、兵起、人多死、

二月月無光、國有災異事、

三月月無光、國有死災、

五月月無光、有火災旱、

八月月無光、兵起、

十二月月無光、五穀大貴、

月出三丈、或未沒三丈許、大赤無光、曰病、平時主

風雨、不雨臣災、兵敗將凶、

戰時、月滿色無光者、客勝、

月大無光、其城不降、月小無光、其城降、

月色無光、如灰粉者、拔城、

凡大月八日昏中、小月七日昏中、過度、有兵、不及

度有喪

月三日四日而昏中天下有兵急有臣專恣五日而昏中兵起在外戰六日昏中兵起不戰凡行軍而遇月薄宜收軍不爾有謀反

月之氣

白虹貫月大兵起大戰將死

白氣貫月將無功大兵將起野戰一曰在春主災

在夏大水在秋為風

月角有白氣主民

也

白雲刺月其下君亡

白雲如杵抵月陰冒陽也將相有災一曰期六十日應

月內有白雲如刀字奸邪謀反

紫氣貫月上下遍有女主昌不利社稷

赤氣貫月在夏為旱在秋為民不安

赤雲刺月是謂賊讐

月下赤雲氣賊人即來明日午未時將軍大敗

雲脚流下明日大凶

青雲刺月是謂賊害

蒼雲抵月陰犯其陰奸邪謀逆譖毀起兵

黑雲刺月陰雨踰時

月下忽見黑雲征戰必勝不宜退兵

月旁多赤雲如人頭大戰一曰破軍殺將多白為

兵勝多黑為兵敗

月旁有赤雲黑雲相交臨月其國有亡軍

月旁有白雲一黑雲二蒼雲三其大如厚布抵月

貫月圍城拔邑

有黃雲黑雲如刃向上交叉又在月上者大凶

攻戰

月下有雲脚如刃向下交叉者大凶白雲戰勝

雲流血

月下白雲黑氣者主驚陣人血流成河過三日

後方可出戰

青黑氣臨月陰氣純結兵敗將亡國凶災

月有五色氣者必戰

月五色氣相冲者將有災須犒賞三軍堅壁固守

月下橫雲，雲下一星，名曰賊星，慎防之，無橫雲宜戰。

月外有雲五段夾月，將凶，明日卯時見賊，便殺，午未時敗，後吉。

半月仰如玦，有雲銜月，賊勝，一日後可進軍。

月不明朗，下有雲氣兩斷，隨雲分出不交者，攻戰並不利。

月下雲氣脚流左者，賊人奔走，謹慎防備，半吉，半凶。

月下雲氣如錦屏，又相去咫尺間一段雲橫列於下，若戴之者，大戰大勝，紅雲有災。

月外有雲氣四出，如披髮狀，大凶，急移營吉。

月下雲如刀劍三五比列，刃上向抵月者，有伏兵在路，急宜準備，刃向下者，驚陣殺人，不過三日大戰。

月下雲從月畔來奔陣上，用兵大吉。

月四邊有雲大轉者，不可興兵，此城難攻，月中有氣出，從其所向攻之勝。

月下有氣如人相隨者，是謂惡氣，其分王侯當之。
月有神龜倚月，主大水。
月邊氣如羣猪，羽姓將軍行兵，大吉。宮商角徵姓
皆不利。

月始出有雲居其中，似禽獸狀。甲乙日見，東方受
其害。丙丁日見，南方受其害。戊巳日見，中央受其
害。庚辛日見，西方受其害。壬癸日見，北方受其害。

月之星

凡月食五星，其國皆亡。歲以饑，熒惑以亂，填以殺。
太白強國以戰，辰以女亂。星入月而星見於月，是
謂星食月。月奄星而星滅不見，是謂月食星。又曰，
月體自若而星居月上，此為星食月。月遇之而星
隱不見，此為月食星。月星相食，當有易主事。一曰，
主殺戮將相，王侯之象。其分野有兵喪。
列宿居月中不見，其國饑。以所屬分野占之。
星入月中有大兵，有亡國，有破軍殺將。
月中有星，天下盜起。星多者盜多。又曰，星在月中，
賊中有反，奸人入，不出三日賊大起。

列星貫月，陰國可伐。
 月犯列宿，其國受兵。
 月犯列星，其下有兵。
 月犯五星，將有災眚。
 眾星攢月，陰陽不和，國多火災，陰謀于上。

月食歲星，兵饑，人相食。
 月吞歲星，兵敗國亡。
 月犯歲星，有反兵，多盜賊。
 月乘歲星，大將戰，其野有拔城。

歲星食月，國易主。

歲星入月，天下大災，有野兵，囚徒為亂，不出二。
 月凌歲星，側多盜賊。

月食熒惑，國敗君亡，大兵起，破軍殺將，一曰其地
 國亡。

月與熒惑同光，有反臣，有內亂，其分饑。

月與熒惑合，有內兵，內亂，三年不解。

月犯熒惑，戰勝之國，大將死，一曰國內亂，有兵。

月吞熒惑，國亂兵起。

熒惑入月以戰不勝宮中有盜賊亂臣在側兵起
熒惑貫月陰國亂亡

熒惑觸月上角相憂中央主憂下角將憂

熒惑食月兵敗國亡後宮有逆謀讒臣用

月食填星民流千里

月犯填星有大兵災先舉兵者敗

填星入月中臣謀弑逆

填星入月中不見大戰亡國內亂起

月食太白強國以戰亡

太白有光名太白食月臣叛主期三年

太白食月軍出主將死一曰易大將

太白居月中無光名月食太白強國君死

太白入月中兵起將死不出九年國以兵亡又曰

必有內惡戰不勝

太白入月中而不見出客將死出則主將亡

太白貫月大戰亡地不出六年

月扶太白將相不親

月犯太白以戰不勝國多寇盜一曰天下民靡散

一曰相去五寸天下憂兵

月與太白相遇者月出其南陽國受兵月出其北

陰國受兵

太白出月右陰國有謀出月左陽國有謀

月與太白皆出城守者賣城宜更其守

太白與月並明主大戰相去五寸有城拔二寸憂

兵

月戴太白有卒兵期五日

入月三日太白失行而居月北兵戰不勝

秋冬入月三日太白出西方居月北方者強

南者弱

入月三日刺太白陽大邑拔陰小邑驅掠出南方

為陽北方為陰

月未盡三日候太白出東方在月北中國不勝負

海國分勝

月未盡三日候太白出東方與月相並舉指準之

間容一指入月三日有破軍死將主人不勝容二

指入月九日軍政欺主人亡地容三指入月十五

日有破軍主亡地容四指入月二十日客軍大敗
容五指二十五日有兵不戰並出則占不並出則
不占

月旁有彗星出弒逆大變

彗星入月中兵大起有十二年大饑

彗星入月無光不出其年有亡國

彗星貫月有臣謀主一日彗星在月中兵大起

彗星在月上有大兵起將死四夷來侵

二彗星在初月上下者邦亂

二彗星在初月兩角大臣有好謀

月下有三彗星商姓行兵大吉

月四旁有四彗星臣子作奸君失位

太陰犯水爲兵起而上卿亡水入月中有水刑而

臣叛主水辰食于月大水洪流月食于辰國亡

金貫月國有大兵金入月大人爲亂將軍死月戴

金星國有憔悴之軍旅太白蝕月有篡弒之禍心

月食土其國之亡也

月與火星相及其宿國兵將起犯之則貴人出而

有兵鬪之，則其師破而敗。北月食火，則其地亂而
白衣會憂在宮中，非賊乃盜者，火順行而入焉。
流星墜日月旁，其國先喪，後兵起。
月行四辰之中，天下和平，風樂安寧，何也？四辰旁
中，中必有遂途，其北道之北三尺，曰太陽，外三尺
曰太陰，月行其中有兵，其南道曰小陽，三尺，月行
其中有兵起，十月行旁去之大遠，多暴獄。
月食辰星，其國憂水饑，兵未起而月食之，所當國
戰不勝。

辰星犯月，與月相並，國有逆謀，兵以刑起。
月犯辰星，兵大起。

辰星入月，大水戰敗，國亡。一曰，中臣欲叛。

辰星貫月，國以女亂。

月與辰星合宿，其國亡地。

辰星入月中不見，其國君臣俱死於難。

辰星入月復出，其國分野主死，人而出，其國君臣
憂。

月掩犯角左星上，將憂，主大旱，兵饑。

月掩犯角右星、次將憂、主大水兵饑、辰分有災、

月掩犯亢、將軍死、主兵主疫、

月掩犯氏前二星、后災、掩犯後二星、主將軍有災、

答、

月掩犯房下第一星、上將失權、災憂、下第二星、次

將災、又主兵饑、馬貴、馬疫、

月掩犯心中星、王者惡之、前星、太子憂、後星、庶子

災、主兵喪、逆行掩犯災甚、

月掩犯尾、燕有災、後宮災、北胡不安、

月掩犯箕、主燕胡兵敗、又主大將死、主大風拔木

傷人、

月掩犯南斗、王者惡之、吳分兵起、將相災、關梁不

通、有大赦、

月掩犯牛、關梁不通、主兵、主越分災、

月掩犯女、揚州分野失、賤妾通內亂、主天下靡散

不定、

月掩犯虛、火兵起於草寇、齊分災、

月掩犯危、主兵喪、

月掩犯室主并衛大梁之分兵災主軍糧乏歲饑
兵變

月掩犯壁衛并兵災

月掩犯奎將軍死禁兵亂并州分野災

月掩犯婁主徐魯之分兵饑災主兵起獄中主饑

月掩犯胃主災饑徐魯之分又主冀州趙分兵災

月掩犯昴西胡不安久為獄亂為旄頭起

月掩犯畢趙分災邊兵動

月掩犯觜兵亂魏分災

月掩犯參兵起將軍使魏益分兵災

月掩犯井王者惡之大臣誅主大水秦雍災

月掩犯鬼主兵起積屍金帛馬貴秦蜀災

月掩犯柳主周分兵饑災

月掩犯星兵起中國惡之主大火

月掩犯張荆楚災主兵主火主水

月掩犯翼主狄夷災兵起三河荆楚之分災

月掩犯軫主長沙之分兵災王者出奔王惡之主
大風傷人物主死喪憂

月掩犯太歲人君死為兵太歲在月天下有兵有災

月掩犯熒惑貴人死有亂臣熒惑入月有亂臣死有相戮者女親為政天下大亂憂在宮中非盜則賊

月掩犯歲星為饑大臣災有逐相人君惡之歲入月有逐相歲犯襲入月大臣惡之主有兵饑主廢陰長


月掩犯辰胡人災主兵起大水災

月掩犯鎮星女主憂為饑為謀廢在上公與陰王者惡之鎮犯襲月同占餘外太陰掩犯入皆以列星所主言其休咎分野

月入太微王者惡之女人為主

月入天市天下兵起物貴分土以治大臣與女主奪土王者惡之

月入紫微天子失位臣變家為國微庶為后月度眾星陰氣駁禱將相縱兵與夷交通諸星食月天下兵起將相災



月內有一星、攻戰大勝、兵家吉兆、

月內一星光明者、奸人入壘、

半月上角有星見者、敵有賢將、

月角有星、城內有人入我營門戶、更宜嚴備提提、

月下有一星、角姓人行軍勝、防外兵來劫營、

月上弦有一星、徵姓人行軍勝、

星在月上角、賊來有攻城、宜慎之、一曰、主邊將謀

叛、

月上左角外一星、名看星、慎守營壘、

月下左角外有一星、開門宜防、

月背有一星、敵走城潰、

一星在月邊下角者、賊內有人來須備之、

一星在月背者、敵人欲至不能成戰、

月旁忽有一星、奸臣謀主、天下大亂、

一星在月上、城內人出劫寨、若下寨了、有鬼神見

中、是復戰也、

一星在月下、城內有智士三人、

一星在月背、城中反、

月角上左右有一星者主外國侵界之事

初月一星在左角相臣爲奸

初月一星在右角將臣爲奸
一曰月右角有星奸
臣在西宮中左角有星奸
臣在東宮中月上有星
奸臣在南宮中月下
有星奸臣在後宮中

初月一星在虧處天下十死一生

若久攻城不下見一星在月內有賊人串破五日
內拔之

月初生而其環中有一星角姓人行軍勝在營防

內兵叛亂

月左半背有一星宮姓人行軍勝三日內賊軍
詐降宜堅守

月圓而雙星搏之色明潤者國昌

月下有二星橫列者商姓人行軍勝

月兩邊二星夾月主賊來衝軍散不可進兵急宜
設備

月角各一星有軍在外者敗

二星在月上下者行軍有功

初月二星在兩角天下大賊起

月下有二亦星入月者宮姓人將行兵吉

月上有三星人主播遷兵亂不寧

月下有三星客兵大勝主兵慎守免災一白合損

上將急移營吉

月背有三星如連珠其城自破

若三星環抱月背則不可攻一日出軍多死盡

三星在月中散亂不出三日軍死盡

軍圍敵壘月下三星橫列者城內詐降宜備之則

吉

軍行有三星橫列月上不利進戰宜固守之以防

潰亂

月下三星橫列名賊星十二三十五日逢戰凶

順風者勝

月外三角有三星夾月鼎足而峙大戰大勝

月邊有三星在北角城內有人欲走

月內近下唇一星外有二星在月下者軍中有人

私通間諜慎宜防備

月丁有三星橫列左邊半暈二十日內賊大敗

月角有三星其城難攻

月上有三星軍行無利攻城不得

初月背有三星奸人路逢相劫

月旁有三星攻城得功更反

月旁有三星豎列月上有雲氣如蓋半暈者攻戰

不吉宜回營防守無星而月上半暈凶月下暈吉

半月仰如缺上有三星曲列如攝提而下覆者城

內有奸人三月後必亂

月下有三星入月者徵姓人行兵大吉

月外四角有四星明如拱立前後夾持者主將宜

慎遇戰即敗固守無虞

半月斜明四角四星略暗者軍大勝

四星圍月國內清晏

初月下有四星后與外人謀君

五星在月下婦人登位

初月六星在於上下者有惡事宜避之四十九日

應

月行有星圍繞之多至數十其分有大喪水災
月下星衆多攢列如綴珠者兩日內賊至宜防
備

月西旁有星環之其國昌

黑星在月上角臣叛逆在月下士卒亂星多則大
亂

月下赤星入月者攻城破之近則八日遠則十
日應

攻城之際月左有星占上角者城可攻

敵人守壘我軍攻之月下星相近防有客兵
曰敵有奸謀

我圍敵壘月背有星其城當潰

月中有流星落又鳥獸雲在月中見者主大亂固
守城池則吉國有憂

月無光內有流星國君勢危兵戈亂動

月內有流星當有貴人奔出若客星入則將有驚
月下赤星流入我營者急出軍若不出人盡死
流入城中攻城必破也

月下赤星向東北方，姓人將行兵，大吉。

大星流入月中，無光者有兵，有光亡國。

星出月陰，負海國勝。出月下光相接，其國君死，人

饑。

月未落，中星入其月中，西方賊人為賊敗也。月入

井中，其月小而雨，天下大兵起。

武備志卷一百五十三

武備志卷一百五十四

防風茅元儀輯

占度載

占七

占星一

茅子曰：星家之言繁哉，未可悉也。然亦可得而言。三垣二十八宿，其定列也。五星之合散，犯守陵歷，鬪食彗孛飛流，乃其變也。歲熒填白辰，又五星之變也。非常之形，積殃而發，乃其妖也。吾首列蓋天

渾天之圖、次列垣宿之圖、而以其歌占附焉、垣宿之星有占切於兵者、則著之、次以變、次以妖、而亦以其占切於兵者著之、又次以星野、星野已分見於度、而復合而次之者、便占也、詳而簡、庶幾近之矣、

蓋天圖

渾天圖

三垣圖歌占

二十八宿圖歌占


星變

星妖

星野

占度載占星

蓋天圖




占度載占占星

渾天北極圖



占星一 占度載 占星一

渾天南極圖



武備志卷一百五十四 占星一

經星有微有著，凡萬有一千五百二十疏曰：前漢誌云：凡天文在圖籍昭昭可知者，經星常宿中外官凡百一十八名，積數七百八十星，皆有州國官物類之象。張衡靈憲曰：星也者，體生于地，精成於天，列居錯峙，各有道屬。中外之官常明者百有二十四，可名者三十二，為星二千五百，而海人之占未屬焉。微官之數，蓋萬有一千五百二十。庶物靈蠢，皆得係命。晉誌云：武帝時，太史令陳卓總甘石巫咸三家所著星圖，大凡二百八十四官。

千四百六十四星，以為定紀。蓋靈憲所謂常明可名之星也。唐誌云：使者大相元言，交州望極纔高二十餘度，八月海中望老人星，下列星燦然，明大者甚衆，古所未識，乃渾天家以為常沒地中者也。大率去南二十度以上之星，則見。蓋靈憲所謂海人之占未存者也。微星不可勝窮，故舉而當諸萬物之數，曰萬有一千五百二十者也。

占度載 占 占星一



紫微垣歌

中元北極紫薇宮，北極五星在其中。大帝之座第二珠，第三宮中庶子居。第一號曰為太子，四為后宮。五天樞，左右四星是四輔。天乙太乙當門路，左樞右杓夾南門，兩面營衛一十五。上宰少尉兩相對，少宰上輔次少輔。上衛少衛次上丞，後門東邊大贊府，門東喚作上少丞。以次却向門前數，陰德門裡兩烏聚，尚書以次其位五。女史柱史各一戶，御女四星五天柱。大理兩黃陽德邊，勾陳尾指北

極顛，勾陳六星六甲前，天皇獨在勾陳裡，五帝內座後門是華蓋，并扛十六星，扛作柄象華蓋形，蓋上連連九箇星，名曰傳舍，如連丁，垣外左右各六珠，右是內階，左天廚，階前八星明，八穀廚下五箇天棂宿，天床六星在右樞，內廚兩星，右樞對文星，斗上半月形，稀疎分明六箇星，文昌之下日三師，太尊只向三公明，天牢只向太尊邊，太陰之守四勢前，一箇宰相太陰側，更有三公相西邊，卽是玄戈一星圓，天理四星，斗裡暗輔，是近星著開，淡北

斗之星七宿明，第一主帝名樞精，第二第三璇璣，是第四名權，第五衡，開陽，搖光，六七搖光，光左天搶紅。

中宮紫微垣北極五星，其末曰紐星，爲天之樞，所謂北辰最尊者也，古者三公列象，隨天西轉，而紐星不移易，故曰居其所而衆星拱之，第一星主月，太子也，第二星主日，帝王也，亦爲太乙之座，最赤明者也，第三星主星，庶子也，第四星爲后宮，第五星爲天樞，北極五星明，大則吉，變動則憂，中星不

明主不用事前星不明太子憂左星不明庶子憂
北極星芒則中國無主天下亂北極星皆不明而
大星獨居天下易姓人相食客星出北極傷帝王
暴驚宗室亂一曰女主謀彗孛出極臣謀君天下
亂黃氣入極太子卽位
勾陳六星亦爲護軍將軍之象也明則吉暗則人
君惡之

五帝內座五星黑黼辰之象明正則吉變動則凶
隋志云客星犯帝座臣犯主

尚書五星黑大臣之象小而明則吉明大芒角
臣強逼君暗則臣失職

陰德二星黃主周給賑恤行德惠其二星分爲
一曰陰德一曰陽德此星不欲大明不欲無明苦
大明則新君踐極也

天床六星黑天子寢息燕休之所也星明正則吉
傾側則人主不安

天乙一星黑司戰鬪知人吉凶欲小明而有光則
陰陽和萬物成大明則水旱不調

太乙一星赤知風雨水旱兵饑疾疫明而有光則吉暗則凶赤氣出人天下大旱黑氣大雨彗孛干犯兵喪水旱俱起

傳舍九星黑賓客之館也為驛亭移入垣間則胡人來入中國

內階六星黑天地升降之階也明正則吉傾動則國憂

八穀八星一主稻二主黍三主大麥四主小麥五主大豆六主小豆七主粟八主麻以候歲之豐儉其星明則八穀皆成暗則凶不熟

文昌六星赤如半月形一曰上將大將軍建威二曰次將尚書正左右三曰貴相太常理文緒四曰司祿司中司隸賞功進德五曰司命司怪太史主滅咎六曰司寇大理佐理寶其星明大齊同則王者致太平其色黃潤光明則萬民安青黑微細天下多憂動搖移徙大臣憂金火入守兵興三公三星赤大明黃潤吉色赤有兵蒼白黑皆有喪又曰三公一星亡天下危二星亡天下亂三星

亡天下易主

相一星赤明大天子明忠臣用星亡輔相死否則
出走

太陽守一星赤主戒不虞設武備也明則人主威
服四方不明則主令不行移徙大臣誅動搖或不
見兵起

天棊五星赤天子之前驅所以禦難備非常也微
明而靜則吉明大動搖兵起不明亦為兵象一星
不具則兵起

北斗七星赤七政之樞機陰陽之本源也運于
天而別制四方建四時均五行定紀綱為號令之
主一至四為魁曰璇璣五至七為杓曰玉衡第一
星曰樞為正星主陽德天子之象又為天主日主
秦第二星曰璇為法星主陰刑女主之象又為地
主月主楚第三星曰璣為法令主禍害又為人主
火主梁第四星曰權為伐星主伐無道又為時主
水主吳第五星曰玉衡為殺星又為文昌為音主
中央助四方殺有罪主土主趙第六星曰開陽為

危星為律主天倉五穀主木主燕第七星曰搖光為部星亦曰應星為呂主兵主金主齊其星均明則國昌不明則有殃王者德合天地則北斗齊明國祚昌七星俱暗則國祚亡北斗自暈及動搖皆為兵起斗傍小星多則天下安星少則民怨上國人離散

輔一星附於開陽所以佐斗成功也丞相之象欲小而明則吉大而明則臣僨君政小而不明則臣不任職大明與斗同則國兵暴起暗而遠斗則大

臣宰相死

天槍三星赤在北斗柄東天之武備所以禦難也玄戈一星赤在招搖北與天槍相近居北斗端北夷天戈也微而小明則天下安明大則胡人次橫芒角大而動則四夷兵起暗則胡人退小動則胡兵小起大動則胡兵大起玄戈色赤北方有兵太尊一星黃在中台之北貴戚也巫咸曰聖公之象也居常則吉不見則凶金犯守貴戚敗宮垣直而明天子將兵開則兵起



太微垣



太微垣歌

上元天庭太微宮、昭昭列象在蒼穹、端門只是
 之中左右執法門、西東門左皂衣一謁者、以次
 是烏三公、三黑九卿公背傍、五黑諸侯卿後行、四
 箇門西主軒屏、五帝內座居中正、幸臣太子并從
 官、烏列帝後從東定、郎將虎賁居左右、常陳郎位
 居其後、常陳七星不相誤、郎位陳東一十五、兩面
 宮垣十星布、左右執法是、其數宮外明堂布、政官
 三箇靈臺候雲雨、少微四星西南隅、長垣雙雙微

西居北門西外接三台與垣相對無兵災

太微垣十星赤在翼北天子之南宮五帝之座十

二諸候之府也又為天庭理法平辭監深授德列

宿受符諸神考節舒情稽疑東西兩列各五星南

垣中二星間曰端門東一星曰左執法廷尉之象

也門西一星曰右執法御史大夫之象也二執法

之西右掖門也東藩四星南第二星曰上相其北

東太陽門也第二星曰次相其北東中華門也第

三星曰次將其北東太陰門也第四星曰上將所

謂四輔也西藩四星第一星曰上將其北西太

門也第二星曰次將其北西中華門也第三星

次相其北西太陰門也第四星曰上相亦四輔也

東西藩有芒及動搖者諸侯凌人子也執法移則

刑罰尤急日月五星入太微軌道吉

五帝座五星赤中星為黃帝座天子動得天度止

得地意從容中道則太微五帝之座明以光黃帝

座不明人主當求賢以輔不然則奪勢張衡云五

帝同明而光澤則天子有道天下歸心小弱青黑

天子國亡動搖移徙則天子失位
內屏四星赤三執法明潤則君臣有禮不明則法
律舛謬五星中犯乘守下謀上一曰大臣有戮者
太子一星黑在帝座北帝儲也其星明潤則儲君
有德金火守犯不有廢黜必有篡逆
謁者一星黑主贊賓客辨疑惑明則四夷來賓不
見則外國不服移近內屏宜防姦客
郎將一星赤北武衛之官也主閱武備星明大芒
角將怒不可當變色或移徙不見則將有憂

常陳七星赤天子宿衛武虎賁之士星明則武備
修暗則兵弱

虎賁一星黑騎官也變色或動搖則兵車大動
明堂三星黑天子布政之宮明則王道行暗則反
是

長垣四星黃主邊界城邑及胡夷疆域其星動搖
變色則邊臣不安

三台六星赤一曰天柱一曰天階三公之位也上
台起文昌下台抵太微上台爲司命主壽中台爲

武備志卷之五十四
 司中主宗室、下台為司祿、主兵。又曰：三台為天階，又為泰階。太乙攝以上、下、上階，上星為天子，下星為女后，中階上星為諸侯，下星為卿大夫，下階上星為士，下星為庶人。所以和陰陽而理萬物也。

天市垣圖



武備志卷之五十四 占度載 占星一

天市垣歌

下元一宮名天市，兩扇垣墻二十二。當門六個黑，市樓門左兩星是車肆。兩個宗正四宗人，宗星一雙亦依次。帛度兩星屠肆前，候星還在帝座邊。帝座一星常光明，四個微芒宦者星。以次兩星名列四，斗斛帝前居其次。斗是五星斛是四，垣北九個貫索星。索口橫者七公成，天紀恰是七公形。數着分明多兩星，紀北三星名女床。此座還依織女傍，三光之象無相侵。二十八宿羅其陰，水火木金并與土。以次別有五行吟。

天市垣二十二星，在房心東北，西抵於氐，東入於斗。國市也，衆民交易之所。東南一星曰宋，次曰南海。燕東海徐吳，越齊中山九河趙，末曰魏。西垣南第一星曰韓，次曰楚，梁巴蜀秦周鄭，晉河間，末曰河中。色俱赤也。主權衡，主聚衆。一曰天旗，庭主斬戮之事也。市中星衆潤澤，則歲實；星稀則歲虛。災惑守之，戮不忠之臣。彗星出，爲徙市易都。帝座一星赤，帝王之座。帝座有五，一座在紫微宮。

一座在太微宮、一座在太角、一座在心中、一座在天市垣、其星光明潤澤則天子威德行微小凶、大人當之、巫咸曰帝座一星、神農所居、不見則大臣當其咎、

市樓六星、黑主市賈交易律度治令、其星欲忽忽不明、大明則賦歛重大、暗則市吏不理、不具則兵作於市、

候一星、赤主伺陰陽、輔弼臣也、居常則吉、移則主不安、星亡則主失位、

宗正二星、赤司宗室之官也、明大則帝宗強、失則宗正有事、移徙則宗人憂客、星守動則天子親屬有變、

宗人四星、赤帝宗之象也、明大方正則族人有序、動搖則宗族不和、有變離移則族人離、

宗星二星、赤宗室之象也、星明而相近則宗族相親、宗枝有序、暗則宗室衰弱、客星守之、宗人不和、斗五星、赤主平量、星明則吉、不明則五穀不登、覆則歲熟、仰則大饑、星亡則歲饑、斗斛不用、

斛四星、黑主、度量分殊之數。一曰天斛，占與斗同。列肆二星、黃主、寶玉之貨，移徙則列肆不安。五星守之，市肆兵起。七公七星、黑主、執法、別善惡之官也。三公之象，七星皆明則輔相用，星齊正則國法平，差戾則獄多，怨、細微不明則疑議不決，連貫索則天下亂，入河中則米貴，人相食。

武備志卷一百五十四

防風茅元儀輯


防風茅元儀輯

占度載

占八

占星二

角宿圖



角宿歌


十二度辰上、鄭兗州壽星之次芒種昏中、冬至旦中

兩星南北正直看中、有平道上、天田、總是黑星、兩相連、別有一鳥名進賢、平道右畔、獨淵然、最上三星周鼎形、角下天門、左平星、雙雙橫于庫樓上、庫樓十星、屈曲明、樓中五柱、十五星、三三相連、如鼎形、其中四星、別名衡、南門外、有兩星橫、角宿二星、赤主造化萬物、布君威信、為天關、其門天門、其內天庭、故黃道經其中、七曜之所行也、其星明大、則賢人用、天下安、微暗、則王道失、輔臣不

忠天下有兵、動搖則人主憂移、徙則人主出、垂芒則天下亂、不見則國易政、日蝕右角國不寧、月蝕左角國中道斷、金火犯有戰敵、金守之大將持政、左角近天田為理、主刑、其南為太陽道、五星犯之為旱、右角為將、主兵、其北為太陰道、五星犯之為水、平道二星、黑平道之官也、明正則吉、動搖則法駕有虞、

天田二星、黑主疆界耕稼之事、金守之主兵、火守之主旱、水守之主潦傷五穀、木守之五穀豐、周鼎三星、黑國之神器也、或移徙則運祚不寧、天門二星、黑主天之門、朝聘賓客之所也、明則四方歸化、不見則兵革起、邪使生、關梁不通、庫樓十星、赤六大星為庫、南四小星方斜為樓、一曰兵車之府也、其中十五星、三三而聚者、柱也、中央四小星、衡也、主陳兵庫樓、明大而芒角者、兵起、車騎用、庫中星眾實則天子兵強、虛則諸侯謀反、庫中無星則天下皆反、庫樓五柱皆動則將皆行、

五柱生角多芒則天下兵盡合庫中心不見兵四合五柱皆不見兵車悉出一曰庫中無星則臣謀上庫盡空國無君南門二星赤主守兵星明則外方入貢暗則夷狄叛兵起君憂客星守之兵至



此圖... 大角... 右攝提... 左攝提... 折威... 陽門... 圖

亢宿歌

九度辰上，鄭分兗州壽星之次，夏至昏中，小寒旦中。

四星恰似彎弓狀，大角一星直上明。折威七子亢下橫，大角左右攝提星。三三相似如鼎形，折風下左頡頏星。兩個斜安黃色精，頡頏西二星號陽門。色若頡頏直下存。

亢宿四星赤，日月之中道爲天府。天子之內朝，總理天下卿大夫之治曹。猶尚書也，亦爲䟽廟主。疾疫其星明，大四海歸王輔臣。納忠人無疾疫，亢不明則輔臣失職。君令不行，有內亂動，搖踈拆或移徙。則人疾病垂芒，則國政錯亂。位直則兵起，有

不戰則天下鼎沸而旱澇作矣。秋分視亢不見，五穀俱傷。金火犯兵起，土犯五穀傷。木守犯歲熟，水犯水災。日月蝕，君憂，月暈，兵起。

大角一星赤，天王座也。明潤則吉，芒角則強臣伏誅。芒之所指，兵從之往。吉失色青憂，白喪黑疾，皆爲天子當之。石氏曰：大角不明，強臣凌主。天子衰弱，金守之則兵起，日蝕凶，月犯水災。拆威七星黑，執法之官也。金火犯之，夷狄犯邊，將

有棄市者。攝提六星赤九卿大臣之象也。其形如鼎足常東向則天子吉北向則天子失位聖人受制。陽門二星黃主邊塞險要動搖移徙則邊地有警。客星出夷犯邊。

底 宿 圖



占度載 占 占星二

騎官二十七星

氏宿歌

十六度二度入彗宋分豫州天蠍宮大火之次小暑昏中大寒旦中

四星似斗側量米天乳氏上黑一星世人不識稱無名一個招搖梗河上梗河橫列三星狀帝席三星河之西亢池六星近攝提氏下眾星騎官出騎官之眾二十七三三相連十欠一陣車氏下騎官次騎官之下三車騎天輻兩星立陣旁將軍陣裏振威霜

氏宿四星赤為天子休解之宿宮后妃之府也前

二大星主正妃後二小星主妾媵又為天根下二

八為日月五星中道明則大臣后妃奉君不生

移徙或不見則臣將謀內禍亂生矣動搖則徭役

不時日月蝕主大亂木犯之立后妃火犯之臣僭

上金犯拜將水犯百官憂月暈人不安彗孛犯暴

兵起一曰將有徭役之事氏先動也星欲其明大

則民無勞

招搖一星赤主矛楯及胡兵招搖宜與梗河棟星

北斗相直則胡常來受命中國不相直胡人叛若

離其處則兵發動搖則兵四行九州震星亡則兵

起芒角臣弑主胡兵大起惟欲黃白小明則天下安靜也

梗河三星黑一名天鋒一曰天盾主矛鋒以備不虞主胡兵又爲喪事其星明不動則邊安天下寧明大芒角動搖則邊夷兵起胡人爲寇又曰星不見則國有喪梗河亡不見三日國有謀兵不見七日有大喪以其初不見日占

帝席三星黑天子宴樂之所也星不欲大明動搖則君不安不見大臣失位

車騎三星黑主部陣行列車騎之士變色動搖

騎行金火犯守爲殃兵起客星守西羌降

騎官二十七星赤天子宿衛之騎士也主守禦防

不虞星衆則天下安稀則騎士叛微小不見則守

衛散出天下兵亂芒角動搖兵大起


騎陣將軍一星赤車騎將也星明則將盛微小則

將弱不能禁止士卒動搖則騎將出

房

宿

圖



房宿歌

六度卯朱分豫州
天竭宮大火之次

四星直下主明堂，鍵閉一黃斜向上，鈞鈴兩箇近

其傍，罰有三星直鍵上，兩咸夾罰似房狀，房西

星號為日從星，兩個房下出。

房四星赤為明堂，天子布政之宮也，亦為四輔，其

北上一星上相也，次星次相也，次三星次將也，南

下第四星上將也，南二星為君位，北二星為夫人

位，又為四表，中間為天衢大道，亦謂之天關黃道

之所經也，七政之所行也，南二星間為陽環，其南

曰太陽道北二星間爲陰道其北曰太陰道七曜
由乎天街則天下和平由陽道則主旱喪由陰道
則主兵水房星一曰天駟爲天馬主車駕南星曰
左驂次左服次右服次右驂亦曰天廐又主開閉
爲蓄藏之所由也房均明則王者明臣奉職天下
太平兵革不興暗則主道不行臣亂政驂星欲明
而不宜大明大於中二星則兵起星離拆則人流
星亡則兵大起日月蝕大臣專政彗孛犯之兵起
火犯將相憂

鈞鉞二星赤主閉藏星近房則天下同心遠則
下不和王者絕後鈞鉞間有星及疎拆則地動河
清



鍵閉一星黃主管籥開閉之事星明則吉不明則
凶暗則宮門不禁星亡則關梁不通

東西兩咸各四星赤所以房淫佚也明則吉暗則
凶五星守之有陰謀火守之兵起

日一星赤主昭明德令月掩之臣謀君木守之王
者得忠臣金火守犯之有憂

心

宿



圖

心宿歌

六度卯上宋分豫州天蠲宮大火之次立春旦中

三星中央色最深東西太庶中帝星下有積卒共十二三三相聚心下是

心宿三星赤名大火天王正位也中星曰明堂為大辰天子之位前星為太子不明則太子不得位後星為庶子明則庶子繼心上四尺為日月五星之中道中心明則化成道昌直則地動移徙不見國亡又曰心變色黑大人有憂直王失勢動則國有憂金火犯血光不止土木犯吉日月蝕兵喪並

起月暈兵起火來守之國無主客星及孛犯天下兵荒積卒十二星赤在房心南主掃除不祥守衛明堂五營軍士也細小而明則吉明大動搖則朝廷起兵一星亡兵出二星亡兵半出三星亡兵大起俱亡兵盡出

尾

宿

圖



武備志卷一百一十五 占星二

尾宿歌

十九度寅上燕分幽州人馬宮折木之次雨水旦中大暑立秋昏中

九星如鈎蒼龍形下頭五個號龜星尾上天江西橫是尾東一個名傳說傳說東邊一魚子尾西一室是神宮所以列在后妃中

尾九星赤后妃之府北一丈為天之中道動則君臣不和天下亂就聚則大水月暈及水犯之則后妃死火犯之宮中內亂土犯吉客星犯大臣誅日月蝕主饑一日金火守之後宮兵起


龜五星赤主贊神明定吉凶明則君臣和不明則乖戾星不居漢中則川有易者一日星亡則赤地千里

大江四星赤大則天下水災微小如常則陰陽和明而動則水暴出參差不齊則天下馬多死中河而居則兵起如流沙死人如亂麻星不具則津梁不通芒角動搖則大水沒城郭魚子一星白知雲雨之期其狀如雲如星忽忽不明明則陰陽和風雨時暗則魚多亡搖動大水也

箕

宿

圖



箕宿歌

十一度寅燕分幽州人馬宮折木之次驚蟄旦中處暑昏中


四星形狀如簸箕箕下三星名木杵箕前一黑是糠皮

箕四星赤謂之天津后宮后妃之府上六尺為日月五星之道一曰天雞主八風庀日月五星宿在箕壁翼軫風起又主口舌主蠻夷胡貊胡蠻夷將動先表箕焉前二星為舌動則大風不出三日其星明大則五穀熟君無讒間疎暗則國亂四夷不服動則蠻夷有使來就聚細微天下憂歲凶穀貴

古今圖書集成 占度載 占星二

移入河歲大惡中河而居人相食月暈大風金火
犯之兵起月宿箕野風起
杵三星赤主杵舂之用縱為豐橫為饑移徙人失
業不見歲凶
據一星黑主播揚糠粃明則為豐暗則為饑

斗宿圖



南斗宿歌

二十四度又二十六度入丑吳分磨
碣石星紀之次春分穀雨且中白露
秋分昏中

六星形狀如北指魁上建星三相對天弁建上三
復三九下圓安十四星雖然名鼈貫索形天雞建
背雙黑星天籥柄前八黃精狗國四方雞下生天
淵十星鼈東邊更有兩狗斗魁前農家丈人斗下
眠天淵十黃狗色玄

斗六星赤天廟也亦曰天機五星貫中日月正道
為丞相太宰之位其魁第一星主吳第二星主會

稽第三星主丹陽第四星主豫章五星主廬江

第六星主九江六星欲其均明明盛則天下安寧
君臣一心爵祿不僭風雨順時人君壽康五穀蕃
熟暗小則君臣失位廢宰臣天下不安芒角動搖
則忠臣失勢天下愁怨兵起大小不齊則上下乖
違移徙大臣逐變色失常則宰相憂月在斗主變
易國易相日月五星逆入斗天下流蕩孛犯之兵
起
建六星赤亦曰天旗明則大臣忠王者得天心不

明、天子失道、參差不齊、天下亂、動搖則民勞、一星不具、人主憂之、月暈、蛟龍見、牛馬疫、月蝕及五星犯守、大臣相譖、關梁不通、有大水、

天弁九星、赤市官之長也、明大則市中物盛、不明則天下空虛、五穀不成、五星彗孛犯守之、糴貴兵

起、天狗二星、赤主守禦、不居常處為大災、戒在守禦

之臣、火舍狗旱災、羣狗嗥、天下驚、天雞二星、黑主候時也、星動移失常、則多大水、金

火守之、兵大起、天下旱、土犯之、民流亡、

狗國四星、黑主三、韓鮮卑烏桓獫狁之屬也、星明則天下多盜賊、邊夷寇作、金火犯守、外夷有變、太

白逆守、其國亂、太白順行、天子出兵、伐鮮卑、客星犯之、有大兵守之、外夷之王來入中國、

農丈人一星、黑主稼穡、星明天下農稔、暗饑、天淵十星、黃一曰天海主灌溉、火守之、大旱、水守

之大水、一曰主海中魚鼈、五星守天淵、海水溢、江河決、大魚出、

式青志卷之五 占度載 占 占星二

鼈十四星主水族魚虫其星微而不明則雨水時
 不居漢中則陰陽不和天下水旱一曰有易川星
 不具有白衣之會以不具日占國五星守之有白
 衣會火入鼈天下大水去之則旱
 天籥八星黃主開閉關鎖明吉不明則管籥無禁
 各星守守犯天下關門閉塞道路不通

半宿圖



牛宿歌

七度丑磨碣石星紀吳越之次立夏旦中寒露昏中

六星近在河岸頭，頭上雖然有個角，腹下從來欠一脚。牛下九黑是天田，田下三三九坎連。牛上直建三河鼓，鼓上三星號織女。左旗右旗各九星，河鼓兩畔左邊明。更有四黃名天桴，羅堰三烏牛東居。漸臺四星似口形，輦道東側連五下。輦道漸臺在河許，欲得見時近織女。

牛六星赤，天之關梁，主犧牲之事。日月五星當貫之，為中道上二星，主道路。次二星，主關梁。次二星，主南夷。一曰其上二星，一曰積路，一曰積火，主路中一大星，主牛。主關梁。次下三星，主南越。星明大則王道昌，天下安，不明則五穀不成。牛多災，星亡則牛盡死。其星曲則糴貴，一曰星明大則關梁通。牛貴怒則馬貴，細則牛賤。中移上移下，牛多死。小星亡則牛多疫，月暈損犢，金火犯之，兵災。木土犯之吉。

天田九星，黑王天子畿內之田，其占與角宿之天田同。


九坎九星赤主溝渠星小而明則陰陽和川澤通
流明盛則有水災夷狄侵邊不明則泉不通
河鼓三星赤主軍鼓鐵鉞一日三武主天子三將
軍中央大星爲大將軍左星爲左將軍右星爲右
將軍所以備關梁設險阻以拒難也正直明大光
潤將軍吉動移差度亂兵起芒角則將旗猛動搖
則兵大出直則將有功曲則將失律怒則馬貴月
犯之將死無兵兵起土守之大將賜土受封金水
守之兵起火犯守軍絕糧將戰死木犯將有罪

左旗右旗各九星左黑右赤主設備知敵謀
潤則將軍吉動搖則兵起戾亂相凌兵起不明則
將軍憂石氏曰旗鼓揚而舒者大將出月五星犯
之兵起將憂彗孛守犯者軍敗將死
織女三星主經緯布帛絲綿之事又主瓜果主收
藏珍寶以製衣裳文繡也三星俱明天下和平布
帛賤不明反是暗而微則天下女工廢不見兵起
天桴四星黃主漏刻星不動搖漏刻失時動搖軍
鼓用移近河鼓亦主軍鼓用也

羅偃三星、黑主堤塘亦為拒馬星、明大則大水為災。

女

圖



女宿歌

十度二度入子齊分青州寶瓶宮
玄枵之次小滿旦中霜降昏甲

四星如箕主嫁娶十二諸國在下陳先從越國向
東論東西兩周次三秦雍州南下雙鴈門代地又
向西晉伸韓魏各一皆北輪楚之一國魏西屯楚
之南畔獨燕軍燕西一郡是齊隣齊北兩邑平原
君欲知鄭在越下存十六黃星細區分五箇琉璃
女上星敗瓜珠上瓠瓜生兩個各五敗瓠瓜天津
九個彈弓形兩星入牛河中橫四個奚仲天津上
七個仲側扶相星

女宿四星赤在九尺爲日月中道天之少府也
之須女者賤妾之稱婦職之卑者也主布帛裁制
嫁娶星明則天下豐女工昌府庫充小暗則國藏
虛女工失移徙則後妃廢婦女受殃產死者多日
月蝕國憂木犯立后火犯女喪金犯嬪妃謀主孛
犯損蠶月暈婦人災水守之萬物不成火守之布
帛貴

十二國合十六星黃在九坎東布列九坎東南一
星曰齊齊北二星曰趙趙北一星曰鄭鄭北一星

曰越越東二星曰周周東南南北列一星曰秦秦南
二星曰代代西一星曰晉晉北一星曰韓韓北一
星曰魏魏西一星曰楚楚南一星曰燕其星有變
動或失常或星守犯各以其國言災

天津九星赤主四瀆津梁以通四方明正則吉明
而動則兵起如流沙死人如亂麻參差不齊則馬
貴不明亦爲兵起一星不備關梁不通三星不備
天下覆陷移徙江河決百川溢石氏曰天津覆洪
水滔天星亡水災河溢水賊稱王又曰天津漲天


下安火守天旱大亂有易主立王月五星入犯
守之皆爲津梁不通黑氣入大水

奚仲四星黃車正也其星變動失常則車駕不安
金火犯之兵起

虛

宿

圖



虛宿歌

九度子齊分青州寶雉宮玄枵之次立夏昏中

上下各一如連珠命祿危非虛上星虛危之下
 泣星哭泣雙雙下壘城天壘團團十三星敗白四
 星城下橫白西兩下璃瑜明
 虛宿二星赤冢宰之象也主北方邑居廟堂祭祀
 之事又主風雲死喪哭泣下九尺為日月五星之
 中道明靜則天下安動搖則死喪哭泣不明則天
 下旱日月蝕兵起流星犯賊亂宗廟五星犯之皆
 主有災


武備志卷之三十三 占度載 占星二 三十三

司危二星、司非二星、俱黑、主天子以下至千萬人
壽命爵祿安危微細不明則無咎、大明則天下人
災、

大壘城十三星、黃主北夷、鬼方、丁零、匈奴之類、所
以候其興敗存亡者也、

敗曰四星、赤溫溫然微而不明、則天子吉、人民安、
明大動搖、則人主憂疾、人愁苦多死喪、

危 宿 圖



危宿歌

十六度十三度入丑、雙魚宮衛分并州陬訾之次、小雪昏中、芒種旦中、


三星不直舊先如危上五黑號人星人畔三四杵日形人上七烏號車府上天鈎九黃精鈎下五鷗字造父危下四星號墳墓墓下四星斜虛梁十個天錢梁下黃墓旁兩星能蓋屋身著黑衣危下宿

危三星赤主天府一曰天市一曰架屋甘氏曰為天市廟堂下九尺為日月五星中道主架屋受藏風雨墓墳祠禮亦為冢宰之官主天下死喪哭泣之事明則天下安動則有土工天子作宮室一危動而不明土工兵革起星亡不見則山陵毀敗日蝕有大喪天下改服月在危有變主死喪哭泣木守之主更造宮室人苦於工役火守之兵起地震土守之工役煩興水守之則下謀上金守之則饑饉兵起

墳墓四星赤主山陵喪葬之事不欲其明明則天下多死喪失常則山陵毀五星守犯之國有死喪虛梁四星黃主國陵寢鬼神之事非人所處故曰

虛梁金火守犯兵災大起
 杵三星曰四星皆黑主春糧杵星正直下曰吉不
 相當則軍糧絕不直民饑不具人棄釜甑聚則豐
 踈則儉白四星仰則歲豐傾覆則歉餘占同杵
 車府七星黑車輿之府賓客之館也動則兵車大
 動
 造父五星黑主御馬之官一曰伯樂亡則馬大貴
 勇則吉移徙兵起馬大貴

室 宿 圖



武備志卷之三
 占度載 占 占星二
 三七

室宿歌

十七度亥上、在衛并州警賑
之次、夏至旦中、大雪昏中、

兩星上有離宮出、遶室三雙有六星、下頭六個雷
電刑、疊壁陣次十二星、十二兩頭大如井陣、下分
布羽林軍四十五卒、三為羣軍、西四星多難論、子
細歷歷看區分、三粒黃金名鈇鉞、一顆珍珠落北
門、門東八魁九個子、門西一宿天綱是電旁、兩黑
上公吏騰蛇室上二十二

營室二星赤甘氏云為太廟天子之宮也、石氏謂
之元宮、一曰清廟、又為軍糧之府、及土工事、其下

九尺為日月五星中道、上一星為天子宮、下一星
為太廟、故置羽林以衛之、將有土工之事、占於營
室明正則國昌、不明則鬼神不享、祠祀國多疾疫、
動則有土工事、芒角則有兵疫、星亡則輔臣死、月
變於室、大臣為亂、將死相黜、土木守犯之、土工興
離宮六星赤、天子之列宮也、亦隱藏休息、遊幸之
所、金火守之、兵起、

羽林軍四十五星赤、主天軍翊衛之象也、明而象
實則國安、踈不明則兵士出不具、則兵大出不見、

則天下兵盡出，郊萌曰：羽林動搖，則兵起，不出六十日，車騎發，金火水入守，兵起，月入羽林，則兵大起。
北落師門一星，赤主候兵，非常明，則大將武兵精，天下安，細微則兵羸將弱，武備不修，亡不見天下有兵，大將出國不寧，芒角動搖，皆兵起，金火守之，有兵災，一曰：有星守之，虜入塞。

壘壁陣十二星，赤主天子軍營，明則國安，失常則兵起，動搖軍不安，移徙將死，星不具則兵悉出天

下，亂五星入天軍，皆為兵起，金火水尤甚也。

天綱一星，赤天子代獵之所也，金火孛犯守之起。

鐵鉞三星，黃主行誅斬殺，其星不欲明動，動則皆為鐵鉞用，移徙失常，兵起。

八魁九星，黑捕禽獸之官也，金火入守，乘犯之，兵大起。

騰蛇二十二星，赤為魚鱉水虫之長，徙而南則兵起，徙而北則大水，星微則國安，明則不寧。

壁

宿

圖



壁宿歌

九度亥上衛分并州雙魚宮阪
訾之次小暑旦中冬至昏中

兩星下頭是霹靂霹靂五星橫看行雲雨次之
四方壁上天廡十圓黃鐵鎖五星羽林傍土公兩
星壁下藏

東壁二星赤下九尺為天之中道主文章圖書之
祕府也亦主土工明則圖書集道術行小人退君
子進失色大小不同天子重武臣圖書隱星動有
土工興離徙就聚為田宅事日月蝕損賢臣五星
字犯兵起

雲雨四星黑主雨澤明則雨水火守之旱潦

備志卷一百五十六

防風茅元儀

占度載

占九


占星 三

備志卷一百五十六 占度載 占星 三

奎

宿

圖



奎宿歌

十六度半，二度入戌，徐魯分，白羊宮降婁之次，大暑旦中，小暑昏中。

腰細頭尖似破鞋，一十六星遶鞋生，外屏七星

下橫屏外七宿天，涵明司空左畔土之精，奎上

星軍南門河中一個閣道形，附路一星道傍明，五

個吐花王良星，良星近上一策停。

奎十六星赤，一名天庫亦曰封豕，天子之武庫也。

主兵，所以禁暴橫，又主溝瀆，其下九尺為日月五

星之中道，西南大星所謂天豕目，亦曰大將，奎大

星欲其明明則天下安，芒角動搖國必用兵，或曰

有赦奎中小星明則天下大水災將有陂池江湖之事皆占於奎星動則有溝瀆之事以日占國日月蝕五星犯皆有凶外屏七星黑主障蔽臭穢以蔽天溷也其星不見或移徙民不安天溷七星黑天廁也其星不見人不安多疾病移徙亦然

土司空一星赤主水土之事知歲禍福明大黃潤則天下安或亡不見國有喪芒角則土工興微道

有旱災

軍南門一星黑主兵之出入動搖則軍行不見天下兵亂金火犯守軍憂

閣道六星赤主天子遊幸別宮之道一曰王良旗一曰紫宮旂行列正直而明人主吉天下安不且則御道不通動搖則宮掖之內兵起火守之臣謀主中有伏兵

附路一星赤別道也一曰大僕明則人主昌亡不見道路塞邠萌曰附路正馬車騎滿野正馬謂移

居駟馬之前也。主天下大亂期十月，五星犯之大僕以罪誅，一曰馬多死。

王良五星赤，天子奉車御官也。四星謂之天駟，旁一星曰王良，爲天馬。又主津梁，一曰天轎，主御風。雨水道四馬參差不列，則天下安居。四馬齊行，王良舉策，則天下不安。天子自臨兵，石氏曰：王良星移，則有兵，不具則津梁不通。王良策馬，車騎滿野，天下大亂，兵起不出三年。移近閣道，則有江河之變。王良與馬齊，則天下大急。客星守之，橋不通。金


火守皆兵憂。

策一星黑，主天子僕御。若移在馬後，是爲策馬，則有伏兵，動搖天子出。

婁

宿

圖



婁宿歌 十一度戌 婁之次立

三星不勻近一頭右更左更烏夾婁天倉六個婁下頭天瘦三星倉東端婁上十一將軍侯

婁宿三星赤為天獄主苑牧犧牲以給郊祀又主興兵聚眾將有聚眾之事占之於婁其下九尺為日月五星之中道明則郊祀得禮天子有福天下平暗小失色則反是動搖則聚眾直則有急兵就聚國大亂君出走

左更五星黑主山林澤藪之事右更五星黑主養

武備志卷一百六 占渡職 占占理三

牛馬之屬左更明潤吉芒角山間有盜起右更明潤牲蓄蓄暗則牛馬多疫死

天倉六星赤主倉廩官也明大歲熟相近就聚穀積多相遠穀虛耗暗小歉

天庾三星黑積穀之屋場圃之所也其占與天倉同

天大將軍十一星赤中央大星大將也其左右星之旗其餘小星吏士也欲其安靜而明則天下兵不興太將寧不明若動搖則天下兵起海中占曰


大將軍搖動則天子自將兵左右旗芒角所指者則一曰明則將武兵精暗小則兵羸將弱木入大將吉火金土入守兵起彗孛出大將反犯之將軍死敗散也

式術志卷一百五十五 占度載 占 占星三

胃

宿

圖



胃宿歌

辛酉度入酉趙分冀州金斗官人梁之次

三星鼎足河之次天廩胃東斜四星天囷十三如
乙形河中八星名太陵陵北九個天船名陵中積
尸一個星積水船中一黑星

胃宿三星赤天之廚藏五穀之倉也又主討捕誅
殺之事南下九尺爲日月五星中道明則四時和
倉庫盈天下豐暗小不明則上下失位倉廩空就
聚則米貴離徙則倉粟耗搖動則有轉輸之事星
亡則兵起芒角亦主兵起旁星聚則粟聚少則粟

不聚五星犯日月蝕孛侵俱有災也

天廩四星赤主積蓄黍稷以供祭祀其星齊明則年豐國足民安小而不明歲惡國虛民饑臣受君祿而不修其職變色則廩粟腐

天囷十三星赤主給御糧也欲明而衆實則庫藏滿不明及中星稀則庫藏空不見則倉庫皆竭一曰星明而黃則歲豐五星入天囷天下兵起國儲盡發金火守之災凶

大陵八星赤主陵墓死喪不欲明明而大或中星多則天下多死喪兵起其中小星衆則天下粟貴就聚死人如麻

積尸一星黑一曰積廩主死喪明則天下多暴死人死如山若不見或暗皆吉

大船九星赤主舟楫濟渡亦主水旱均明天下安不居漢中津河不通水泛溢積水在天船中主候水災

昴

宿

圖



昴宿歌 梁之次處暑旦中立春
 七星一聚實不少、河西月東各一星、河下五黃、
 陰精陰下六個、芻藁營、營南十六天苑形、河裏六
 星名卷舌、舌中黑點名天說、礪石舌旁斜四丁、
 昴宿七星赤、其下九尺為日月五星中道、天之耳
 目也、主獄事、主口舌奏對、又為旄頭、胡星、昴大星
 欲其明明則獄訟平、國無佞臣、天下安、暗則刑罰
 濫、佞臣得志、星動則大臣下獄、聚明而數動則胡
 兵大起、其大星動又躑跳而他星皆不動、則胡欲

侵邊期一年一星不見為兵為喪六星明與大星
爭天下大水耗星皆明而黃則兵大起一曰大火

盡盡月兵大起也

卷舌六星赤主口舌以知讒佞曲而靜賢人用事

直而動天下多口舌明大則利口用事旁星繁則

兵起死人如山若不居漢中則天下妄言月犯卷

舌天下多死喪五星入犯乘守國有佞臣天下多

死喪彗孛入人主信讒殺忠良

礪石四星黑主磨礪鋒刃明則兵起如常則吉

火及客星守之兵動

彗彙六星黑主積草以供牛馬之食一曰天積明

中星多則歲豐穰不明及中星稀則歲不登庫藏


耗不見則牛馬暴死

畢

六畢如爪

宿

圖



宿歌

十七度七度入申，晉分益州，陰陽宮實沈之次，白露旦中，雨水昏中。

恰似爪又八星出，附耳畢股一星光。天街兩星耳
 背旁，天節耳下八鳥懂，畢上橫列六諸王。王下四
 個天高星，節下團圓九州城。畢口斜對五車口，車
 有三柱任縱橫。車中五個天潢精，潢畔咸池三黑
 星。天關一星車脚邊，參旗九個參車前。旗下直建
 九游連游下，十二烏天園。
 畢八星赤，主邊兵主弋獵。其大星曰天高，一曰邊
 兵主四夷之尉也。明大則四夷來貢，天下安。失色

則邊兵亂、一星亡爲兵喪、動搖邊兵起、有讒臣離、徙天下微亂、就聚法令酷、甘氏曰、畢主街巷陰雨、天之雨師也、故明而移動則霖潦及街擁塞、又曰、畢主山河以南中國也、中國於四海內則在東南、爲陽昴畢之間、謂之天街、陰陽兩界之所分、畢爲陽國、昴爲陰國、其北上七尺爲日月五星之中道也、日月蝕在畢邊將凶、木犯有軍功、金火守之則夷兵起、

附耳一星赤、主聽得失、伺姦邪、察不祥、附耳搖動

則兵大動、附耳入畢口中則天下有大兵、

天街二星赤、主國界、街南爲華夏、北爲夷狄、其星明正吉、暗則兵起、五星留止天街中兵起、

天節八星在附耳南、主持節奉使、明則使忠直、天子令行、不明則奉使失職、不見則四方不奉王命、九州城九星黑、主重譯者也、一星不見一州有凶、三星以上不見大亂、以十一月候之、金火守之九州兵起、

諸王六星黑、主藩屏王室、察諸侯存亡、明則諸侯


奉法天下安不明臣有叛者宗社傾危四方兵起天關一星赤在五車東南日月之所行天關也主關塞星明大則天下平星亡大兵起芒角兵起移徙與五車合國門晝開大將披甲日月五星不由天關行有不朝之國有叛臣五星守天關大臣有不道者

五車五星赤三柱九星赤合十有四星五車天子兵車舍也西北曰天庫主太白秦也次東北星曰天獄主辰星趙也次東南星曰天倉主歲星魯衛

中央星曰司空主鎮星楚也西南星曰卿曰火魏也五星有變各以其所主而占之其星動搖變色則國有兵五星均明柱皆具則天下倉庫實不具其國絕食兵起五車三柱有變各以其國占之三柱出外兵出柱入兵入出一月米貴三倍饑一年出兩月米貴六倍饑二年柱出不與天倉相近米穀運出千里柱倒立尤甚火入守天下旱金入守兵起水入月暈不邇有赦

天潢五星主河梁濟渡之事其星明主津梁通民

無災、不見則津梁不通、參旗九星、赤主弓弩之物、以俟變禦難、不欲大明、明大則有白衣之會、兵起微小、兩直則天下息兵、明曲如張弓、則天下兵大起、九星不見、天下為兵而赦、九旂九星、黑、一曰天旂、一曰天弓、主司弓弩之張、候變禦難以滅不虞、明靜則九州之牧得人、光明盛大或搖動則兵起、



正備志卷五十三 占度帳 占 占星 十四

觜宿歌

一度申、晉分益州、陰陽宮實沈之次

三星相近作參蓋觜上坐旗直指天尊卑之位九相連司怪曲立坐旗邊四鷗大近井鉞前觜三星赤在參之右角如鼎足形為三軍之候行軍之藏府主葆旅收斂萬物明則軍儲於將得勢動而明盜賊羣行葆旅起動移將有逐者移而近參左肩則臣謀君近右肩則大臣伐主金火守之國易政兵起災生日蝕臣不忠月蝕君害臣五星守犯皆主兵災

參

七參四脚中藏

宿圖



參宿歌

十度申為晉分陰陽宮實沈之次

總有七星觜相侵兩肩雙足三為心伐有三星足裏深王井四星右足陰屏星兩扇井南襟軍井四星屏上吟左足下四天厠臨厠下一物天屎沉參七星赤一曰參伐一曰天市一曰天鉞主斬刈又為天獄主殺伐又主權衡所以平理也又主邊城九譯故不欲其動也參為白虎之體其中橫列三將也東北曰左肩主左將西北曰右肩主右將東南曰左足主後將西南曰右足主偏將故占參

以應七將其中央三小星曰伐天之都尉也主胡鮮卑戎夷之國故不欲明也七星皆主邊兵七星皆明則天下兵精暗小則將弱苾角大張赤輝旁射則三軍駭動天子自將出征動搖則邊有急無光則國欲改君參差不常則人臣不忠而勤大將執權國易政就聚則大將誅微則天下兵不精不具國亡地伐星明與參等大臣謀亂兵起參左足入玉井中兵大起秦地大水有喪山石為怪足若突出玉井虎狼暴害人金火來守則國易政兵起

災生、日月蝕則田荒米貴、土星犯災甚、木守兵疫、甘氏曰參爲忠良孝謹之子、明大則臣忠子孝、移動殺忠臣、守常則吉。

玉井四星赤主水泉、以給厨用、微小如常、陰陽和、五穀成明、大動搖則大水、井遠參虎爲害。

軍井四星黑、軍營之井也、以給軍爨、一曰天井、星動搖則有大水、月入軍井、兵起、五星入大水。

屏二星赤、所以障閉天廡、主疾病、星不明、天子寢疾、不具則天下人疫、五星守之、臣謀君、火守民疾。

疫客星入人多死。

天廡四星赤、主天下疾病、色黃而明則吉、不見人多病、亡不明、天子有病、天下人疫、五星守之、天下大饑、人相食。

天屎一星赤、主糞穢、色黃則吉、青黑白皆爲憂、明則萬物有命、星微則萬物不昌、不見則人多疾病、常以春分日候之、其星黃潤而明、人無病、青黑國饑、人病多死。

井

宿

圖



井宿歌

三十四度九度入未秦分雍州
鶉首之次驚中

分昏中秋分寒露日

八星行列河中淨、一星名鉞井邊安、兩河各三南
 北正天罇三星井上頭、罇上橫列五諸侯、侯上北
 河西積水欲覓積薪東、畔是鉞下四星名水府、水
 位東邊四星序、四瀆橫列南、河裏南河下頭是軍
 市、軍市團圓十三星、中有一個野雞精、孫子丈人
 市下列各立兩星、從東說關丘、兩個南河東丘下
 一狼光蒙葺左畔、五個彎弧弓、一天擬射頑狼胸

武備志卷三十三
有個老人南極中、春秋出來壽無窮、
井八星赤、在河中、主泉水爲天之南門、日月五星
貫之爲中道、石氏謂之東井、亦曰天井、主諸侯帝
戚三公之位、天之亭候、水衡法、令之所取平也、三
光行不由其中、天下無道、雖經之不得留之、王者
用法平則井明而端、暗小不正則國弱政亂、明則
封侯建國、動搖失色則諸侯廢戚戮子、又帝師殃、
移徙則國亂、君憂洪水爲災、月宿井有風雨、日月
蝕五星逆犯大臣謀亂、兵起大臣誅。

鉞一星、三伺奢淫而斬之、不欲大明大而明、則
鉞用兵起、明大與井齊、或搖動則天子用鉞於
臣、芒角則大臣多死於法者、五星犯守大臣誅、月
犯大臣誅、斧鉞用。

南河北河各三星、赤一曰天高、天之關門、主關梁、
南河曰南戍、一曰南宮、一曰陽門、一曰越門、一曰
權星、主火、北河曰北戍、一曰北宮、一曰陰門、一曰
胡門、一曰衡星、主水、兩戍之間、三光之常道也、七
曜之所當行、行而過之則吉、不得久留、留久則興。

咎生焉、兩河星明則天下安、不明則四夷交侵、動搖則邊兵大起、星不見有大水道不通、南星不具則南道不通、北星不具則北道不通、月五星守犯皆爲兵起也。

五諸侯五星、一曰帝師、二曰帝友、三曰三公、四曰博士、五曰大史、又曰五大夫、此五者常爲帝定疑議、其星欲其均明明、大潤澤則天下治、王者吉、輔臣忠、若差戾不明、則忠良屈折、上下猜忌、春秋元命苞曰、五諸侯生角則禍從中起、不見則貴人有

謀者、月五星犯守、皆爲兵起。

積水一星黑、一曰聚水、主聚美水、以給天子酒官也、又曰主候水災、明則天下安、宴享禮行、不明則五穀不登、徭役繁明、大動搖、則江河溢、津梁不通、積薪一星黑、主聚薪、以給享祀、供庖廚也、明則五穀熟、享祀修、庖廚足、不見天下旱歲、不登、石氏曰、積水積薪相去五尺以內、則天下平、五穀豐、相去一尺以外、則天下饑、人流亡、水府四星、黑水官也、占與水位同。

水位四星赤主水衡又主溢流也石氏曰衡平象
水水平而後流其星微小如常則天下安不然則
大水橫流五穀傷水位上近北河則國沒爲河以
變日占國

四瀆四星黑江河淮濟之精也其星明大動搖則
水泛溢

軍市十二星赤如錢狀天軍貿易之市市中小星
衆則軍食足少則軍乏糧金火守之軍大饑
野雞一星黑主知變怪又曰野雞將也主屯營軍

之號令也芒角動搖爲兵災移出市諸侯兵
闕丘二星黑天子之雙闕也動搖則天子闕間有
變金火守兵戰闕下


狼一星赤爲野將主殺掠主兵火色欲黃白無光
不宜動搖不動搖則天下安寧色赤而光芒四張
動搖則天下亂兵火起盜賊橫行石氏曰狼星動
搖則胡兵大起五星犯守兵車滿野胡侵中國
弧矢九星赤天弓也外一星矢也主備盜賊故常
注矢以向狼若弧不張矢不直則天下盜賊橫行

星明色黃潤澤則天下息兵、變色失常則天下起
 兵、矢不射、狼則盜賊不禁、五星守犯、兵大起、大將
 有千里之行、彗孛出、弓矢用、外夷叛

鬼

宿

圖



占星三
 占星三
 占星三

鬼宿歌

未二度秦分雍州
巨蟹宮鶉首次

四星冊方似木櫃中央白者積尸氣鬼上四星是
燿星天狗七星鬼下是外厨六間柳星次天社六
個弧東倚社東一宿是天紀

按天源發微云鬼星天目也主視明察奸謀明則
五穀成又云主死喪山堂考索云東井與鬼鶉首
在東秦永州三度至西南星去極九十六度在黃
道外

鬼四星赤主視明察奸謀天目也為日月五星中
道一曰天廟主祠事又主疾病死亡東北星主積
馬東南星主積兵西南星主積布帛西北星主積
金玉以上四星俱各隨其變占之中央一星名積
尸氣白如粉絮如雲非雲如星非星見氣而已只
欲其忽忽不明則安明則兵起大臣謀主下民流
亡搖動失色則疾病鬼哭人荒鬼之外四星明大
穀成不明人散動而光則上賦歛重徭役繁星聚
人愁政令急

燿四星黑主烽火備警急不欲明又不欲亡小而

不明則天下安明而大則邊庭有急動搖則外兵
大入亡不見則戒在守候之臣

外廚六星黑天之外廚也占與天廚同
天狗七星黑中以守賊也移徙則兵起金火犯之
人相食

天社六星黑王社神也其星明直則社稷安動搖
失常則下謀上


柳

宿

圖

酒旗

柳



正備志卷一百五

占度載

占

占星三

二十四

柳宿歌

十四度、四度入午、周分雍州、獅子宮、鶉火之次、清明昏中、霜降旦中、

八星曲頭垂似柳、近上三星號為酒、享宴大醕五星守、

柳八星赤為朱雀喙、一曰天相、一曰天庫、天之廚也、主御膳飲食倉庫酒醋之位、又主雷雨主工匠、其北六尺為日月五星中道、明大則人豐酒食、搖動則大人酒死失色、則天下不安、人饑流亡、不過三年、直則天下謀伐、其主就聚、則兵滿野、月宿柳而霧多陰雨、上舍柳不旱、即水逆行入之、地震山


金犯守兵起、水火犯旱饑、

星

宿

圖

七星如鉞有碎頭



星宿歌

上、周分邕
子宮鶉火次

七星似鈎柳下生星上十七軒轅形東頭四名內
 屏星星左三個天相名相下稷星橫五靈
 星宿七星赤曰天都為朱雀之頸文明之粹羽儀
 之所主衣堂文繡又主急兵盜賊明大主王道昌
 暗則賢良不用天下空虛文士遁藏甘氏云主后
 妃御女之位赤為賢士天色芒動則后妃死賢士
 誅搖動則兵起離徙則天下易政日蝕兵饑婦人
 災木犯吉木犯旱土水金犯俱災月暈孛犯兵起

式情志卷之三十六 占慶載

占星三

二十六


正傳志卷五十五
軒轅十七星赤，一曰東陵，一曰權星，主雷雨之神，又爲黃帝之神，黃龍之體，又爲后宮后妃之舍，典六宮之內政，以弼太微，其北大星，女后也，南小星，御女也，左一星，少民少后之族，右一星，大民大后之族，次北一星，夫人也，屏也，上將也，又北一星，妃也，次將也，其次諸星皆次諸妃之屬也，陰陽交合，盛爲雷，激爲電，和爲雨，怒爲風，亂爲霧，凝爲霜，散爲露，變爲雲，立爲霓，離爲背，玦分爲抱，珥此十四變皆軒轅主之欲，小而黃明則吉，小星明與大星等，則后宮相爭，妃妾上僭，移徙則國人流動，搖就聚，后妃夫人死喪，御女去，大星遠，則女使有賊心，迫近大明，有賞賜，東西角張而振，則后族敗，消小不見，則后妃不安，星色變黑，則后妃多死者，水火金守之，女主惡之，一曰五星守犯，有逆賊，有火災，天稷五星赤，主百穀，溫溫而明，則百穀成，歲大豐，不明則五穀不成，星不具，則歲饑，亡不見，則大饑，人相食。

張

六張梭肚兩頭長

宿

圖



張宿歌

十七度十五度入巳
呂鶉尾之次，穀雨昏

六星似軫，近星傍張，下只是有天廟十四之星，冊四方長垣，少微雖向上，星數歛在太微傍，太尊星直上黃。

張宿六星，赤主珍寶金玉，宗廟所用之物。天子內宮衣服，遠方貢物之庫。又主天廚飲食賞賚之事。甘氏云：大廟明堂御史之位，為朱雀之喙，兩翼外張，以匡帝宮也。明大則人主昌，天下治，民物阜，五禮修，暗小不明則五禮失，天子多疾病，移徙天下。

有逆人就聚則兵起，金火守之兵起，日蝕失禮，月蝕大澇，魚行人道，土水犯國不寧，李犯兵起，天廟十四星，黑天子之祖廟也，均明則吉，青黑變，任宮中微暗，有白衣會，金火守之，宗廟有殃。

翼
張翼軫北近太微垣

宿




圖
二十二翼如飛勢，上五下五，層中九氣。

武備志卷三 占度載 占 占星三

翼宿歌


十九度已楚分荆州雙女宮鶉尾之次立夏昏中小雪旦中

二十二星大難識上五下五橫着行中心六個恰如張更有六星在何處三三相連張畔附必若不
能分處所更請向前看野取五個黑星翼下頭欲
知名字是東甌

翼宿二十二星赤為天子之樂府主徘徊嬉樂文
物聲名之所主三公化道文籍及蠻夷遠客負海
之濱北上十有三尺為日月五星之中道明大則
君明臣賢禮樂興四夷來賓星暗大小失序則帝

王失禮王道衰微移徙則三公廢日蝕大臣僭月
蝕正言者殃忠臣誅月暈大風旱女主惡之五星
客孛流星犯之大凶翼芒動則王者用兵征伐四
方


東眺五星黑主南越蠻夷之星也動則蠻夷有使
來角張則蠻夷叛金火守之兵起



軫

四軫如口附二星

宿



圖

軫宿歌

十八度十度入辰鄭分兖州天驕昏中大雪旦中

四星似張翼相近中央一個長沙子左轄右轄附
 兩星軍門兩黃近翼是門下四個土司空門東七
 鳥青丘子青丘之下名器府器府之星三十二以
 上便是太微宮黃道向上看取是
 軫宿四星赤主車騎任載盜賊戰伐喪事輶輶之
 事亦主風雨死喪四星為天之四輔冢宰輔臣主
 察殃咎之凶災水星也北上三尺為日月五星之
 中道其星明大則天下昌萬民康四海歸王一云


天青志卷五十五 占度載 占 占星

明大則車騎用、甘氏云、凡軍之出入、皆占於軫也、動則車駕用、離徙天子憂、就聚兵大起、五星犯守、並凶、月宿軫、風起、月暈軫、戎夷滿野、庫無留、兵廩無繫馬、日月蝕、貴臣死、

左轄右轄各一星、赤其左轄、主同姓諸侯、右轄主異姓諸侯、一曰北星曰轄、南星曰膏、皆去軫七寸、甘氏云、轄去軫五寸、膏去軫一尺、為常軫中一小星曰長沙、為棺木、主壽命、轄星欲其近、軫去軫近、則上下和睦、遠則君臣相疑、七寸以下為近、一尺

以上為遠、轄欲小而明、不欲大而明、若小而明、國祚安、大而明、與四星等、則兵大起、微暗、則諸侯有憂、星亡、則天下傾、轄進退、則車騎發復、其所則車騎罷、有兵在外、而轄遠、軫兵亦罷、轄舉、則南蠻內侵、動搖、則兵車動、長沙子小而明、主壽昌、微暗、則國有憂、明而與四星等、臣下謀逆、星亡不見、則人主惡之、

土司空四星、黃在軍門南、主土工、又主邊城地界、正疆理、辨風土、均職貴、來遠人均明、則天下大平、



暗小則德政不修、遠人離叛、金火犯守、男不得畊、女不得織、兵起、

青丘子七星、黑主正東方三韓之國、

軍門二星、黃天子六軍之門、主營、占移其處、則

軍道不通、

軍門二星、黃天子六軍之門、主營、占移其處、則軍道不通、

